

中國書店標價籤

403(013)

132

242

路南州志

康熙壬辰路南知州襄平
金廷獻輯
民國十六年補抄於京師
上

邑人楊
立德贈



民國戊辰年冬月



路南州志

雲南
新文石印館代印

路南州志

校勘路南州舊志序

吾邑志乘以纂於清康熙間者為最初此即是也
後於道光間續修之然遭咸同時夷回之亂已隨
劫火俱燼至民國成立議修之則百計搜羅不可
復得嗣以秉鈞服務勸學所時於無意間函達北
大留學生楊希之賢友訪之都下竟得如願所謂
尋遍窮鄉無覓處得來全不費工夫者非耶但抄
胥半係俗手魯魚亥豕在所不免茲竹菴同學以
干城之望抒衛道之忱誓捐貲重印百部以存古

蹟以餉桑梓屬為讐其舛譌固遜不獲因於疑誤
者妄正之簡脫者臆添之貽譏大雅開罪古人所
不計也時民國十七年冬權之李秉鈞謹識

重印路南州舊志序

戊辰之秋九月將杪德以要公自河口督辦署晉
省便道返舍會諸父兄弟於棣華軒目覩架上
帙裝璜燦爛展而閱之古意盎然蓋清康熙間邑
志也讀未竟覺戎馬干戈之氣頓消衣冠禮樂之
感頻增慨然想見我邑二百年前山川文物之盛
風俗政教之良一種眷戀鄉土保全國粹之思遂
以之勃發而不可遏特以掌故所歸徵考必資文
獻轉譌相屬闕疑久益滋多德邊關責重未敢稽

留何能研究所幸吾師李權之先生詳加校正一
方既免殘缺脫誤之憾一方克遂恭敬桑梓之懷
快何如也茲將付印爰披露烟幅如此民國十七
年十二月一日竹庵楊立德序於河口督辦公署

路南州志序

邑之有志猶國之有史所以別疆分里昭信紀實使天下後世得觀覽而採擇也滇有通志載各府郡而屬邑隸之路南僻在一隅多峻嶺層巒田畝湫隘四郊而外山巔水涯間漢夷雜處土瘠而民貧喜其俗淳較他州邑稱易治焉我皇上聖神文武內治外安疆輿之廣亙古未聞迺于滇萬里邊陲肆赦蠲租均屯糧廣試額尤加軫念而

路南州志

三

諸上憲又能奉

上德意盡心綏撫厚澤深仁廷獻雖區區未吏民社責分敢不以冰兢自矢生聚教養勉力興除與吾民休息以期上無負於朝廷中無負於

各憲下無負於百姓蒞茲土於今七載而川原阡陌物華人文黎然煥然覺種種漸有起色改觀往昔雖斗大一州於中土之輿區南溟之奇甸庶幾獲分美十有四五焉府志得

郡伯裴公裁定諸名手著述其紀人紀事文而簡工而備彬彬奕奕卓乎可觀矣獨路南原無成帙志書可考雖有鈔本州志紀畧而記載不詳非及時纂輯則山川人物忠孝節義藝文風俗日久漸多湮沒今

上御極之五十一年久道化成民安物阜正歌揚休美纂修著作之會簿書之暇心竊念之適上憲留心地方檄各屬捐貲修輯實獲素心因偕廣文李君及州知名紳士倣通志舊例分其條

晰其目比其事屬其詞辨異同嚴去取或採於書籍或訪於傳聞山川窮其源委人物嚴其考辨忠孝必足稱於家國節義必可質諸鬼神文藝則謹擇其佳風俗則務採其實重者詳之輕者畧之可紀者書之可去者刪之崑山片玉渤海一珠彙為一帙俾得附府志一書以備天下後世之觀覽採擇而與史流傳於永久未必無

小補云爾

時

康熙歲次壬辰孟夏路南州知州襄平金廷獻
謹序

路南州志序

京師行萬里為雲南之地潯陽距會城百里許
路邑又距潯陽百里許按滇志始於晉常據李
元陽色見捷二三鉅公修輯厥後

本朝三十年間重修又閱二十載於茲矣其間山
川猶是風土猶是建置亦猶是若名宦若鄉賢
若忠孝節義若文人題誌二十年來不勝紀錄
路甸雖小豈無一二可採今奉

上憲檄文重修表章人物揚抗風雅誠盛事也

相竊惟路南僻在偏隅地瘠民貧漢獮雜處原
無古志可考間有紀錄俱附入府志內十存二
三不無挂漏即有抄錄州紀亦畧而未詳非廣
為搜羅編彙成書恐物序人風名流懿行漸歸
泯沒所係豈淺鮮哉於是州守金公集州紳士
而命之曰修志事關鉅典劊劖所費惟余是問
余不惜捐貲以勒為成書傳為信志爰命相領
其事兼命州紳士有學識者分輯之於通志載
入府志內者細為採錄而又訪於長老搜於殘

編分其類而臚列焉志山川則層巒疊嶂巨津
小泉必載其幽勝也志風土建置則寒暑氣候
風俗人情必錄其切當也志名宦鄉賢忠孝節
義則孤芳勁節往蹟前踪必紀其真確也至若
文人題詠則採前輩名筆以表彰之而今人題
詠有可錄者亦不遺焉相忝列微員罔諱鄙陋
幸蒙

聖天子之宏澤歷有多年敢不塗鴉葺綴勒成一
州之志以賡揚

聖治也哉若夫府志之詳備省志之大觀乃名公
鉅卿任也爰竭鄙忱以為一隅之見是為序
時

康熙歲次壬辰孟夏路南州儒學學正鶴川李汝
相謹序

路南州志

纂修姓氏

鑒定

中憲大夫知澂江府事加三級山右裴倅度

承德郎澂江府督糧總捕廳冀北尹湯聘

纂裁

奉直大夫知路南州事加一級襄平金廷獻

修輯

路南州儒學學正李汝相

路南州志

八

訓導邵崇文

候選知縣襄平金瑛

編次

路南州舉人候選知縣李義傳

舉人候選知縣速秉植

路南州貢生金成憲

貢生喻吾道

貢生楊鍾裔

貢生董文英

校閱

廩

生楊淑裔

廩

生韓名師

廩

生趙珖

廩

生韓瑗

廩

生張于霄

生

員徐仰聖

鑒梓

路南州志

南

州

吏

九

目施化沛

路南州志

凡例



一志書以通志為式通志目錄凡三十條路南僻壤豈能皆備茲於每條所有者紀之無者闕之不敢妄為臆說以附會其間也

一志書紀事貴求其備屬詞不厭其詳茲志事畧而詞簡以壤地褊小可紀載者原甚寥寥恐事敷衍反足掩其真耳

一地土既瘠建設云遲人物之不廣不備此理

路南州志

十

勢所必至者職官有定制賢才非偶然即閨閣之英亦分兩間清淑之氣至隱逸仙釋之無其人常也據實書之粉飾奚取焉若夫物產之多寡貴賤地實為之求全責備可乎一藝文一道以騷人墨士之繡口錦心洩天地靈秀之氣非其佳者不過拾人唾餘適足覆瓿耳茲藝文務精其選故所錄不盈寸州人士而外凡宦遊旅寓名流其著作有為斯地起見者不敢遺焉做通志例也

路南州志目錄

卷之一

圖考

星野 氣候附

建置沿革

疆域 形勢郵遞附

山川 關哨津梁附

風俗

城池 公署坊表街市堰壩附

路南州志

十一

戶口 屯丁附

卷之二

田賦

鹽法

物產

兵防 武秩官附

秩官

學校 義學附

選舉 貢監恩典恩廕附



卷之三

祠祀

古蹟 寺廟塚墓附

名宦

鄉賢

孝子 孝婦順孫附

節婦

鄉飲

流寓

路南州志

十二

隱逸無

仙釋無

土司 種人附

災祥

卷之四

藝文 記 引 疏 賦 詩

雜異無

路南州志卷之一

圖考

圖考載通志久矣然所載不過滇南大畧各郡城池廟社其形其地豈能一一敷陳路南雖開闢未久建置無多城池廟社有由來矣可勿繪寫為圖使之明若指掌耶作圖考志

州境圖

學宮圖

州署圖



清水哨陸涼州界

東八十里至圭山廣西府界

東南六十里至

東北三十里至

北五十二里至中哨宜良縣界

西一百八十里至馬龍州界


界州勒彌關泥革

界州寧廠來泰至里十九南

席家渡河陽縣界

西南八十里至

西四十里至宜良縣鐵池鋪界



富安鄉
虛寧祠
黑龍潭
和摩鋪

鄒公廟

昌勒壩

魁星閣明倫堂
啟聖宮

文廟
文昌宮

雙龍壩
興寧橋

東嶽廟
大屯

三元宮

寶山鄉

革泥關

橋板

西岳廟

水月橋

忠節祠

關聖宮

紫玉山

三教殿

社稷壇

諸葛樓

山川壇

蝙蝠山

三板橋

香花寺

金光寺

仁德鄉

竹林寺

竹子山

鋤雲寺

天竺寺

三台寺

中時

獅子山

彩虹橋

迎恩橋

北山鋪

興龍寺

圭山

靈應寺

河頭城

溫泉

溫泉寺

邑市屯

民和鄉

天庵


寶洪寺

羅月庵


石佛寺

香岩寺

文廟之圖



路南州公署圖



星野氣候附

蓋聞在天成象在地成形則九州之屬二十八宿也理數然矣况太史占星於此驗災祥別水旱天文分野所係匪輕可弗詳歟爰將滇省之星紀載於左知滇省則知路甸矣志星野

按漢志滇南星分井鬼於卦屬坤澂江郡治在會城東南相距百餘里路甸又在郡治東偏亦相距百餘里纏度無異次舍同占豈不然乎

建置沿革

域內自中土而外要荒之地開闢各有其時滇南自通中國以來郡邑之設先後不一其時路南其後焉者也然數百年間建置不同沿革亦異今譜其始末俾可考而知焉志建置沿革

唐虞 南交昧谷之交

夏商 梁州域

周 合梁於雍

戰國 屬楚 滇國地

路南州志

建置沿革 十八

秦 通道置吏

漢 益州域

蜀漢 建寧境

晉

宋

齊

梁

陳

隋

唐 昆州地彝名路甸天寶末為黑蠻蠻洛濛所
據築城曰撒呂號洛濛部

五代

宋

元 憲宗時置洛濛萬戶府至元中改路南州領
邑市縣屬激江路置土知州阿保秦普秦祿
秦福福無子次女元真襲至少女慶姐而廢
明 成化間改土設流弘治四年省縣入州

本朝因之康熙二十八年裁前衛分境屯賦併州

疆域形勢郵遞附

古者設疆分域國之廣狹各異形勢不同路南僻處一隅建置未久今蒙

皇恩遠播士民漸有起色其土地所轄形勝所存雖無巨觀亦有可得而採列者焉志疆域

疆域

州在潯江府東一百二十里

東至廣西府界八十里

西至宜良縣界四十里

路南州志

疆域

二十

南至寧州界九十里

北至馬龍州界八十里

形勢

四山環繞二水潏洄前揖紫玉後枕鹿阜左繞盤江右控獅嶺竹峰高矗千尋為潯陽之東鎮焉

郵遞

州城東十里至路南堡十里至五顆樹三十里至紅葉哨

州城南二十里至板橋三十里至大麥地十里
至新哨五里至革泥關

州城西十五里至大來龍哨十五里至小來龍
哨十五里至罵革哨十五里至烏舊村十里至
席家渡

州城北十里至北山哨十五里至土官哨

山川關哨津梁附

天地之間氣鍾於山川滇之山川類多可紀路南雖無名山大川而秀拔之峰清冷之泉為騷人之所題詠逸士之所留連亦所在多有焉今摘其膾炙人口者筆諸簡冊用以備一隅之搜

覽志山川

鹿阜山即州治相傳昔有人逐鹿於此人鹿忽不見故名又曰鹿母山後樹偃輪蓋下有亭

燭天曰第一山今廢亭側一石常五色光

紫玉山數在里州環拱州案如玉潤然互

路南州志

午山日在州東南其俗名九起九龍山狀如席帽亭午九

案蟠山為學宮正

香花山秋在州西南形如誥軸多黑石極光潤每夏

霧八景謂此環

三台山護在中州西離城十餘里地近宜良兩山擁

其諸庵在

獅子山在州之西北似獅形蹲坐晴嵐還繞是一

文筆山繞在板橋西南文昌宮左峙州治巴江之水

天生橋山離城十里懸玲垂筍百巧煥目碧水瀉

其下人每建寺於其下不忍去焉前有觀

竹子山在州西南三十里高萬仞有蠟燭香檮唱

圭山遊在州巔有池其山盛旱樹木凋陰翳下有寺喧集鹿豕潛

舊為土官秦氏巢穴

寶山在州治三十餘里大印然有流左下水數十折繞

於名下寶山此鄉之名由於此

寶源山在州南五十里

莫卜山在州南七十里

泰來山在連州向南山八十里今廢

路南州志

山川

二三

龍寶山雖開採銅礦今則砂而老山空

石林在州東北千巖高數十仞簷窻邃窟若九陌三條

色俱青嵌結玲瓏尋之莫盡下有伏流清冷如雪相傳昔人於隆冬逸見石上有李二株

結實不復見俗呼李子箐即此

黑龍潭繞在州南十餘里靖州守與白龍潭水合

渠東南田畝於潭墟遊人畢集夜則潭清

八日牲醴奠於潭墟遊人畢集夜則潭清

白龍潭在州東北十五里其水清冽行十里與黑

照鏡泉在州南

南應作莫

莫卜泰來兩山相聯莫卜在東泰來在西另云七十里一云八十里則七八兩字必有一誤

形類巴字係指黑龍潭出口處山環水抱中有龍王廟點綴之恰同一巴字耳

休柔溪 在州南

疊水 在州西 每日午三十五里 巖高千仞 瀑布飛流 聲如

巴盤江 在州東 南郭外 旋形類巴字 故潭襟帶城池 眾

鐵池河 在州西 三十里 源自陸涼 經宜良 至竹子山

溫泉 在民和鄉 境上有村名賈龍 其水溫和 有硫磺氣

關哨

革泥關 在彌勒東南 六十里

北山哨 在州西北

土官哨 在州西北 遠北山哨

路南州志

關哨

二四

來龍哨 在州西南

莫革哨 在州西南 又進來龍

新哨 在州東南

拖白哨 在州南

母丈矣哨 在州東南 七路十

青水哨 在州東 北四路十

紅菓哨 在州東北

青山哨 在州北

津梁

弘濟橋明在弘州南通嶧州新化路

會通橋濟在州西與弘

永安橋北在州

板橋人在州南明嘉靖間郡

賽虹橋知在州西明萬曆間

三板橋貢在揚州南明萬曆間舉

興寧橋年在州東通衢康熙三十五年

萬壽橋九在州東北通衢康熙四十年

迎恩橋知在州北通衢康熙五十年

路南州志

青雲橋五在州西南通府治路康熙四十年

水月橋一在州南關外康熙五十年

風俗

古者太史觀風問俗陳詩以察正變風俗之所係誠匪輕也大約儉樸者猶為近古故唐魏之風至今傳之路南風俗頗稱淳樸爰志其概於左志風俗

士重詩書而敦道誼農安耕鑿而鄙逐末女効紡績俗尚勤儉婚姻則不論財喪葬則鄰里助此其大畧也至於歲時節序元旦祀天地祖先戚友相賀上元張燈火清明插柳掃墓端陽飲菖蒲雄黃酒中元祭祖先中秋菓餅拜月重陽飲菊花酒十二月二十四日祀竈除夕守歲一同中土

按漢人來自各省以上數事故與各省相同他如元旦採松葉鋪地以為敬客立夏日以灰圍屋謂蛇不能入六月二十四日夜束薪為燎以腥肉為牲互相餽請謂之火把節又謂星回節除夕燒兜羅香以辟邪數事乃漢人漸於蠻俗故與各省稍異

城池公署坊表街市堰壩附

設險守國壘石而城濬水為池郡邑皆然獨路南
城以土為之故屢築屢圯池則變遷莫定爰詳其
事於左志城池

城

舊無城明成化間知州魯厚建樓四座東曰啓明
南曰迎薰西曰長庚北曰拱極弘治間知州龔浩
因樓築土城後傾圯隆慶六年知州易龍見重築
周四百四十餘丈高一丈一尺萬曆四十八年知
州馬鳴陽修

池

鑿池以築城也初廣二丈及流寇入滇即填池以
池邊之土平為田其廣遂以倍嗣後居民效之春
則布種夏則雨水洋溢寬十丈許矣自昌樂堰成
四時活水流注紅渠碧藕徧滿其中夏秋之間朱
霞映水綠幕垂陰柳色迎眸荷香噴鼻往來之人
如行錦繡中號曰花城稱勝景焉

公署

州署枕鹿阜山內署宅為冰心堂前為兩翼為庖

涵菴治者忠愛堂左豐盈庫右會計庫折而左州
同廳署久裁折而右吏目廳署堂墀左側吏戶禮
椽廨右兵刑工椽廨右廨後為囹圄前為儀門外
土地祠并寅賓館前樓五楹傳樵鼓鐘聲樓左右
為常平倉外華東雄鎮坊

學署原在城隍祠左鄒公祠池塘前今署廢地存
官賃房以居

僧正

道正

路南州志

二八

醫學典科

陰陽官

養濟院在城隍祠傍子孫殿下

坊表

州屏外有華東雄鎮坊

南門正街有肇飛雙鳳坊

南門內楊忠節門有坊

北街徐節婦門有坊

街市

州城南關內丑戌己為大街卯未為小街

板橋虎馬街

民和鄉古城蛇狗街

州有四鄉

東富安鄉

西仁德鄉

南寶山鄉

北民和鄉 村附鄉之內

堰壩

路南州志

二九

鄒公堰 鄒在州東五里地名落臺舊明嘉靖間知州唐登第州

再濟知州俛垣修規濟田千頃

昌樂堰 熊在州東北五里康熙四十年知州羅圮

知州金廷獻復築濬增規民永賴焉

雙龍壩 在州東二里許開渠知州全廷獻於康熙四十年

六年冬建築開渠二里許濬於康熙四十年

兩畝潭造泉至水湧溢年夏

戶口屯丁附

古者當歲之終獻民數於天子觀治也天子拜而受之重民也滇南於我

皇上御極五十一年來愛養已極生齒日繁所在而然矣奈路南瘠土遠人招徠難致民數雖日漸增而庶則未敢許也按數而稽爰登於冊志戶口

戶口

原額人丁一千九百八十八丁

屯丁

路南州志

三十

新歸前衛原額軍餘舍丁七丁

路南州志卷之二

田賦

田賦上關國用下係民生太平之民猶多逋賦急公之吏尚累考成田賦顧不重哉石多田少之地糧賦無多即其額征之數登於左使覽者觀糧數之多寡知土地之肥瘠而安上全下之君子寓撫字於催科則國與民胥賴之矣志田賦

田糧

原額民賦并沐氏勲莊共田地三千七百四十六

路南州志

三一

頃五十一畝一分二絲三微四纖一塵額內尚有荒蕪田畝額編錢糧見係除荒徵解統俟開墾成熟足額

實徵夏稅本折麥三百二十七石九斗一升四合八抄七撮三圭九粒九顆五粟

實徵秋糧本折米八百石二斗三升九合一勺六抄九撮五圭四粒六粟

新增開墾起科田二百五十一畝二分一絲

應徵秋糧本折米二石二斗七升六合八勺七抄

七撮七圭六顆五粟

實徵條編銀一千二百九十四兩七錢二分八釐
九毫一絲八忽八微五纖七塵八渺

實徵民賦人丁銀二百四十一兩五錢

實徵勲莊人丁銀三兩二錢

實徵民賦差發銀一百四兩四錢四分二厘三毫
七絲四忽六微一塵一渺四漠

實征魚課銀三兩 遇閏加銀二錢八分

實征酒課銀一兩四錢三分 遇閏加銀三分五

路南州志

三二

釐

實徵房租銀四錢三分 遇閏加銀四分五釐

實徵新增開墾起科條編銀二兩六錢一分三釐

六絲五忽三微九纖六塵一渺二漠

稅契原無定額遇有民間投納按季彙解

屯賦田八百八十八畝四分照河陽縣下則減讓

起科每畝徵米八升一合八勺三抄帶耗

實徵秋糧米七十四石九斗二升九合二勺七抄

六撮一圭

實徵屯地折色銀一十六兩二分二釐二毫九絲
七忽一微一纖九塵九渺

實徵屯賦條丁銀四十九兩七錢六分七釐六毫
六絲一忽三微五纖五塵二渺一漠

以上民屯合徵共銀一千七百一十七兩一錢
三分四釐四毫一絲七忽三微三纖一渺七

漠

一起運

布政司庫銀一千一十四兩三錢九分四釐四

路南州志

三三

毫一絲七忽三微三纖一渺七漠

一存留

俸工項下

官役俸食共銀五百八十一兩四分

支給項下

鞭祭等銀二十八兩

鋪兵工食銀一十八兩

表箋銀三兩七錢

廩生餼糧銀七十二兩

一本折

額徵夏稅秋糧本折麥米共一千一百九石三

斗九升三合

以上麥米聽候

糧儲道徵撥報銷

鹽法

鹽政之得失甚鉅得則四民蒙其利失則四民受其害理勢然也先年發賣在官係乎考成今則總歸省店聽從小販自運民甚便之志鹽法

鹽法

路南州例行黑井鹽

歲正銷額鹽十萬八千觔

歲辦正課并加增銀一千九百四十四兩

歲帶銷鹽六千六十觔

路南州志

三五

歲辦課銀一百六十三兩六錢二分

物產

天下之財出於土草木水陸之品可愛者甚繁通都大邑所產者奇所出者貴遠方異域尚購求之至於窮僻小邑所產不足奇所出不足貴何堪數焉但取其少適於用者不妨列之志物產

物產

花椒 出寶源廠

核桃 出路南州堡

火麻 出州西關內外

路南州志

三六

桃 杏 李

石榴 梅 梨

竹 薯 芋

靛 出民和鄉

冬青菜 出州西關者佳

兵防武秩官附

朝廷設兵本以衛民故有事則以致討無事則以守禦在中土已不可緩况邊徼之地耶

國家兩定滇南設三標七鎮六協七營輕重相制大小相維無非為民計耳路南雖彈丸亦城池也亦人民也可守望之無兵乎有兵斯有員矣志兵防

臨元鎮分防委把總一員

目兵五十名

路南州志

三七

州東

大哨塘係廣羅協遞送公文

州南

紅坡塘 蓑衣山 大麥地係開化鎮遞送公文

州西

小哨塘 罵革塘 烏舊村塘 席家渡塘

係臨元鎮防汎

州北

北山塘亦係開化鎮遞送公文

秩官

朝廷設官分職不惟內而兵農禮樂各有專司外而郡縣皆有守土之官誠以天下之大非一人所能獨理不可無承流以宣化者而親民之吏所係尤重蓋其人賢則百姓蒙其福不賢則百姓受其禍百世之下其名不能沒也爰自有明以迄

今日凡蒞茲土者紀而載之俾後之人得而論列其賢否焉與夫相助為理之員亦應附名其次

路南州志

云志秩官

知州

明

成化

李

昇

湖廣澧州人由舉人州治改土設流始此

魯

厚

四川內江縣人由舉人

耿

全

湖廣岳州府人由舉人

弘治

龔

浩

江西南昌縣人由舉人

陶 鈺 江人 由南舉 蕪湖縣

徐 憲 浙人 由江舉 淳安縣

正德

徐 瑞 由江舉 南人

路 璽 貴州人 由州舉 赤水衛

劉 鉞 陝西人 由西舉 寧州

池 九 垓 四川人 由川舉 仁壽縣

宋 澍 廣西人 由西舉 宜山縣

嘉靖

徐 世 華 貴州人 由州舉 烏撒衛

吳 曾 貴州人 由州舉 赤水衛

吳 沔 湖廣人 均

伍 偉 湖廣人 由廣舉 漢陽縣

林 天 德 福建人 由建舉 同安縣

蔣 朝 陽 廣西人 由西舉 平樂縣

杜 子 橋 湖廣人 由廣舉 黃坡縣

羅 衫 四川人 由川舉 仁壽縣

鄒 國 璽 四川人 由川舉 仁壽縣 其利立祠祀之 築壇開渠 東

隆慶

易龍見湖廣新州人

萬曆

王文明廣東南海縣人

黃袍四川安人居縣人

陶顯功湖廣寧鄉縣人

羅應台貴州永寧衛人始此舉人

李益四川南充縣人

姚允升貴州新添衛人

路南州志

呂堅江南旌德縣人

鍾應麟四川內江縣人由舉人初

史載德江南潛山縣人由舉人

孫應軫貴州清平衛人

劉四教四川潼川州人由舉人建尊

馮順宣廣東番禺縣人由舉人

李敬可四川簡州人由選貢

汪良貴州清平衛人始此戶增廣馬

馬鳴陽廣西桂林府全州人

崇禎

吳來王四川護城池銅梁人由選貢當普送作亂力

吳元孝江西南正休寧縣人懷持

尹珪江西吉安人由選貢五載清操

唐登第廣西桂林府全州人由舉人當沙逆

離任

本朝

順治

黃煜直隸人開闢疆撫

路南州志

四一

張臯謨湖廣武昌縣人由貢元樂捐俸數百金

煥然一曲新且寬荒稅省民徭民甚德

康熙

陳可江西吉安府永豐縣人無不稱頌士平糧

耿文明遼東人由官生署州事一

許維祚正白旗人由監生蒞任九載陞廣西

黃敏生浙江錢塘人由例監清簡

張萬言由旗人由生員在任捐俸修學置祭器

羅之熊由旗人由生員在任補政公明築堰

金廷獻 四鑲黃旗奉天廣寧人由監生於康熙

上諭修文廟設義學編保甲催科不擾听訟
咸無究開渠築堰地方大有起色士民

同知

明

永樂

陳莊

正統

李仲鑾

路南州志

四二

天順

李欽

成化

馮曾 四川人

宋達

趙應舉 四川舉人

弘治

蔣漢 直隸望成縣監生

柳潤 福建閩縣監生

正德

孔溢

李松 福建晉江縣吏員

嘉靖

徐獻 廣東保昌縣監生元年任

黃浙 直隸吳江縣監生七年任

鮮懋 四川巴縣吏員十年任

邵欽 浙江烏程縣監生

張天叙 直隸真定府監生

路南州志

四三

易東陽 四川嘉定州吏員

文相 四川慶符縣選貢二十三年任

張性 江西餘干縣監生三十年任

范遴 直隸全椒縣監生三十五年任

周士 四川灌縣監生四十一年任

楊春華 江西太和監生四十四年任

隆慶

陸萬鍾 浙江平湖監生五年任

萬曆

朱本灑 浙江寧波監生二年任

黃階 四川大竹縣監生四年任

徐天叙 江西吉安府監生九年任

譚逢春 江西廬陵選貢十二年任

郭奐益 江西永豐歲貢十八年任

陳溶 江西鄞縣吏員二十年任

陳邦政 宣府右衛選貢二十四年任

李潔 廣東保昌監生三十二年任

盧達 四川大竹縣歲貢三十五年任

路南州志

四四

學正

明

萬曆

譚三極 蒙自縣舉人 建立學校 培植人才 陞貴州石阡府推官

崇禎

羅銘鼎 昆明縣舉人 重修學宮 陞廣東樂昌縣知縣

本朝

順治

周爰謀 易門縣選貢 重修學宮 共事樂成十七年任

康熙

刁士淳 任四甫川一江津縣選去貢四年

陳時沛 閣蒙未化建府舉人六年任時學官德兼優

儀型去任子以

王一心 造奉天新承德子愛之午副榜十一年任德

張端亮 正蒙化府己酉科舉人二書畫尤長於詩

二十四年任

謝朝聘 方楚雄府甲子科舉人二十於官任端

李汝相 學鶴慶府癸酉科舉人於四訓課士子任

路南州志

四五

多所賴之

訓導

本朝

康熙

邵崇文 陸涼州七年任於

吏目

明

天順

張永清

成化

聶宏

弘治

郭蒙

傅俊 江西新喻監生

正德

楊景 四川人監生

黃瑀 湖廣人監生

嘉靖

路南州志

四六

王倫 山東商河縣監生元年任

秦廷珪 廣西馬平監生三年任

崔永日 直隸棗強縣監生

張翼 四川瀘州吏員

王心一 山東商河縣監生二十年任

劉天叙 陝西徽州監生

蒲士進 湖廣永明縣監生九年任

張時愛 四川南溪縣監生

萬曆

賈奎 湖廣武陵縣吏員元年任

張珠 四川新增縣吏員三年任

陳嘉謨 湖廣靖州吏員十年任

陸應選 浙江錢塘縣吏員十九年任

王體坤 陝西環縣吏員二十一年任

張銳 江西新建縣吏員二十二年任

李汝恒 江西南豐縣吏員二十七年任

張淳 江西豐城縣吏員三十一年任

趙璧懷 廣東番禺縣吏員三十五年任

路南州志

朱倬 浙江山陰縣吏員三十八年任

天啟

陳應科 浙江吏員

崇禎

蒙道 貴州思南吏員元年任

譚汝英 山西垣曲吏員六年任

黃應登 陝西渭南吏員

李宓 昆明人

陳朝偉 陞富順縣主簿

本朝

康熙

吳正名 湖廣長沙府儒士 元年任

施所蘊 會稽人 二十年任 陞江南揚州府照

嚴弘琮 北京人 三十年任 丁艱去任

王熙載 山陰人 三十七年任 告終 養回籍

黃 鏞 江南人 四十二年任 卒於官

羅士弘 大同人 四十五年任 卒於官

施化沛 大同人 五十年任

學校

自三代四置其學而屢世因之學校之設有由來矣然而砥世礪俗興賢育才則孝第廉隅其根本也讀古人書觀古人行事可不顧名而思義哉我

皇上雅意右文祀闕里題匾額頒

御飭士子文

至聖四配贊凡郡縣仰日星焉昆州士習文風漸有起色學校始末宜詳識之志學校

路南州志

四九

文廟

在州治東關外古撒呂地明嘉靖三十五年署州事同知周耿建於社學右萬曆二十五年巡撫都察御史陳用賓奏設知州鍾應麟鼎建明倫堂啓聖祠鄉賢名宦文昌宮三十五年知州劉四教建尊經閣於明倫堂後天啟元年知州馬鳴陽遷啓聖宮於尊經閣右鑿泮池於櫺星門外

本朝順治十七年知州張臯謨訓導周爰謀同紳

士捐修康熙五十年知州金廷獻捐俸率儒學
李汝相同紳士重修

義學

康熙四十五年知州金廷獻建南關外關聖廟
側延師訓課提拔孤寒

選舉貢監恩典恩廕附

三代以來選舉之途不一唐末而後歸於制科
有明首重經義我

朝因之士之進取者必由是焉路南服詩書之教
者久矣庠序未設之先或附於本府或隸於他
州已有次第而奮飛者及建學之後名士後先
相望至

今日而風氣益開人文漸著知同文之化不以中
外殊也志選舉

路南州志

五一

文進士無

武進士

本朝

康熙庚戌科

王良弼

舉人

明

萬曆癸卯科

張繩臯

楊起南

己酉科

董邦昌

天啟辛酉科

楊興南

授湯溪縣知縣

崇禎壬午科

袁偉

本朝

順治辛丑年補行庚子科

金士敏

徐煒麟

授定遠縣教諭

路南州志

五二

康熙壬戌年補行辛酉科

徐之愷

授詔安縣知縣

甲子科

韓名伯

授昆明寧鄧川教

王

槐

授彌勒教

己卯科

李義傳

授揀選縣知縣

速秉植

授揀選縣知縣

武舉

本朝

康熙己酉科

王良弼後登庚戌進士

壬子科

袁份

選貢

明

萬曆

楊以成初授貴陽府通判陞同知

泰昌

李鳴鳳昆明人寄學本州任四川成都通判

路南州志

五三

天啟

楊冠南任四川叙州府同知

崇禎

周楫

徐孔麒

黃見龍

徐石麒

歲貢

明

萬曆

趙賢任宣平教 張繩鼎

萬縉 任知隆德縣 李大榮 任姚安府教授

楊振南 初任安莊衛教

天啟

金作鼎 任鶴慶府教授 李起鳳 任廣東開建教

徐立中 任廣西教 李開先 任修仁教

崇禎

魯宗聖 任雲南教 喻逢舜 任建水教

萬應選 任羅平教 徐鄉麒

徐逢泰 李春齡

路南州志

趙士英 施龍光

李椿韶 金士偉

趙士珮 任廣西教 張弘 任保山教

本朝

順治

張縉 韓兆黎

康熙

王琮 李弈蕃

張其旋 任晉寧教 施祚昌 授寧州教

楊師震

徐國麟

周冕

楊四知任昆陽教

薛思恭

施純仁任富民教

喻馨猷

張炳

祁瑛任廣通教

楊珍

金成憲

徐之官

王國賓

郭許陽

楊鍾裔

喻吾道

韓名侯

蕭愈藻

路南州志

五五

董文英

例監

明

崇禎

萬念惺

楊如崇

徐特麒

本朝

康熙

徐致遠

李心傳

黃鼎

韓名公

馬斯才

李維章

李性傳

蘇嗣轍

蘇定鼎

施純義

楊森

楊徽裔

李衍祚

薛儲

韓珣

思典

楊鳴鑾

贈以子奉政大任貴州貴陽府同知誥

路南州志

五六

趙友勝

郎以子相官普定衛經歷誥贈徵仕

思廕

楊琛

以祖以成殉難於崇禎年間恩廕

路南州志卷之三

祠祀

昔聖王之制祀典也法施於民則祀以勞定國則祀能禦大災捍大患則祀祀國之大節也郡縣亦然如

先師之廟城隍之祀山川社稷諸壇墀所在皆有若忠臣烈士之祠各郡邑不無異同爰紀於左俾知典自

朝廷非淫祀之得擬云志祠祀

路南州志

五七

祀典

社稷壇在州城西

風雲雷雨山川壇在州城南

郡厲壇在州城北

文昌宮在文廟右

魁星閣在文廟左

關聖廟在州城南

城隍廟在州治內北門

羣祀

忠節祠 在州城南

鄉公祠 在州城西

虛寧祠 在州治東數里黑龍潭

白龍潭 在州治東北

土主廟 在州北民和鄉

古蹟寺廟塚墓附

九州之內遺蹟經百世而不磨者類皆大聖大賢偉業豐功高風雅致係之如神禹之龍門積石伏波之銅柱銅鼓子陵之釣臺右軍之蘭渚要皆跡以人傳耳天末之鄉安得所大聖大賢而留其跡哉惟是二百年中沿革之際有其事已改而其跡尚存者可撮而書之志古蹟

貼金石 在州東三十里相傳昔廣西蠻長欲有所

金果如所祝回以金薄貼之

路南州志

放光石 在天東蒲草伏村如遊龍舒卷天半時或石光

旁如狀人見者禽獸之化萬狀見者駭之

望夫石 在州東南林西村有石如人從望其狀旁有

酒漿送之見夫去遠望之入遂化為石並所携器物亦化焉土人祈嗣最靈

芝雲硯 硯門石似芝與雲故名芝雲初入磬磬空

乳窟擊之有鐘鼓聲又有石枰石景謂石浪奇怪不可名狀古號仙蹟八景謂石

即此仙踪

陰陽樹 在州城隍祠內其樹四季長青每遇陽相

傳久遠所損葉未

長江半月 一即赤江在民和鄉兩岸峯巒秀錯然西畔

月不過忍去每徘徊

古城 夕時餘光西斜甚高彩霞一闕然即日入披竹也日

爛然人謂之古城晚霞蓋奇觀也魁閣在其南

彌沙城 在舊邑市縣漢時築

河頭城 在舊邑市縣漢時築

撒呂城 在州東北土官秦氏築今地建學宮

天生橋 有二一在州北十五里一在民和鄉

寺廟

路南州志

正覺寺 在州治西北

獅山寺 在城西獅子山明副使羅汝芳顏曰近寶

盤鬱大照耀如畫每晴霽掩映

三台寺 在州西十五里其山中峯矗立左右兩峯

旁峙若三五然上有龍鳳寺及蓮峯閣雲

彌勒寺 在民和鄉古城也

寶洪寺 在民和鄉山高千仞遠眺百里諸峯皆伏

其下寺內有茶花可以比美通海又有蘿

靈應寺 在邑市縣

在古城巖
靈應寺
古城即邑
市縣治耶

石佛寺 在民和鄉

溫泉寺 在民和鄉

金山寺 在紫玉山

香花寺 在州西南小屯

天竺寺 在竹山絕頂

竹林寺 在竹山

香巖寺 在竹山

金光寺 在竹山

土主寺 在民和鄉祈嗣最靈

路南州志

東嶽廟 在州東大屯

西嶽廟 在州南板橋

三元宮 在州東南關廂臨巴盤鎖水口盛夏不暑

蘿月庵 在寶洪寺下

鋤雲庵 在竹林寺下

天乙庵 在邑市屯

三教殿 在州西關

凌雲閣 在州治北知州金廷獻捐資創建臺下鑿池種樹培植闔州風水詳藝文創記

諸葛樓 在州西關

塚墓

元武德將軍閑里伯墓

在紫玉山

明諭英忠節誥贈光祿寺正卿楊以成墓

在下竹子

名宦

親民之吏生民之休戚係焉公平廉恕惠愛及民者良吏也其政則築堤勸耕興學明倫扶良禦暴要期功在斯民澤流後世生則頌神明歿則崇禮祀斯可仰也路南雖小而諸士後先奮興風俗漸美田野漸闢豈得忘所自乎志名宦

明

魯

厚

四川內江縣舉人成化間任州城外禦暴賴教閭巷子弟增重樓於州城

之馬

路南州志

六三

鄒國璽

字南華四川新津縣舉人隆慶間任事

本朝

謝于道

滇南學使各郡祀之

李興元

滇南按察使各郡祀之

鄉賢

山川靈秀之氣鍾於人物則有山川即有人物何嘗以風土限哉路南邊鄙之極文教不過百年迹其人才落落似有以風土限者然觀其一二孤忠勁節即質諸古英烈無多讓焉今從祀廟庭流芳百世稱為鄉賢者即其人也謹列其人於左志鄉賢

明楊以成

字太和以選貢為貴陽府通判分署畢節衛著有勞績陞同知仍官其地天啟二年水蘭交關以成潛具蠟書告變滇撫發兵西援至畢節賊兵圍衛城以成

路南州志

督滇兵與賊戰却之已而賊以成大集滇兵遠來勞逸多寡勢不相敵以成知事不濟令吏懷印乘夜取徑走貴州自以死守當賊鋒未幾城陷以成遂殺其家賊擁逼入城以成無變志賊遂殺其家口十人獨其弟以成榮不死賊遂殺其家賊中情形函竹筒所獲以榮復寸斬隨磔行至撒納漢為賊所獲以榮復寸斬隨磔以成一於火掌宅中丞傳宗龍以聞贈以共一十五人黔中丞傳宗龍以聞贈以成光祿寺正人黔中丞傳宗龍以聞贈以正千戶入黔名宦一本郡鄉賢賜坊恩褒忠節立祠春秋祀之贈以榮正千戶配祭

趙賢

萬曆戊午年貢任浙江富平縣教諭祀名宦

孝子 孝婦 順孫 附

孝義庸行也而史冊書之若是其重匪特東彝
同好抑以顯微闡幽彰往行而勵來茲正維持
風教之一助也昆州雖小沐

聖天子之教化歷有年所其間以孝行著於鄉黨
者亦偶有之顧使其有善弗錄無以彰往行而
勵來茲亦學士大夫之責也志孝子

本朝

孝子

路南州志

張一夔 置生區旌告揚 割股愈母病通學公呈詳允

楊 玘 區旌生沐浴告天 割股母疾以愈詳允置

王如綸如縉 州民兄弟同心 割股愈父疾通學

李良佐 州民事母盡孝 先意承志學者嘆服母

孝婦

楊 秀妻董氏 陳三次割股愈姑愈夫 前任知州

順孫

陶正發 州民負米百里供祖侍膳 問寢無虧通

節婦

婦人之所貴者節烈也然慷慨赴死與從容就義其間難易則有辨矣路甸以蕞爾之區投繯蹈燄者雖無其人而松貞柏節者乃後先相望焉勿論旌表之所已及未及可不為之筆於簡篇以光於宇宙乎志節婦

明

徐一鳴妻魏氏 年三十二而終教子高選成名奉文

旌獎立坊匾曰清淑正氣

路南州志

六六

本朝

徐禧麒妻趙氏 年二十二夫死立志守節割股

愈姑教子致遠遺泮孫之愷領鄉薦有孫十餘人曾孫九人皆苦節所致康熙二十四年奉

旨建坊旌表之

楊琛妻李氏 年二十六夫死守節受誥封教

生員施祚遠妻孫氏 年二十四夫死立志守節

伯兄子純禮為嗣養育成名年七十終

生員李敦倫妻蘇氏 年二十六夫死無子守節

揚年六十餘

生員金 鑑妻韓氏 成年二十八夫死守節教子

楊道南妻李氏 十年終 二十二夫死無子守節年八

選貢徐石麒妻楊氏 十年六夫死歸徐嫁楊氏子撫孤

守節子復死又撫孫
成人年八十終

[Faint bleed-through text from the reverse side of the page, including characters like '路南州志' and '卷之六']

鄉飲

禮教之行也必始於鄉鄉之黃髮台背一郡之望係焉果有盛德懿行得與鄉飲以示優恤典至渥也滇省斯禮久廢幸蒙

皇恩下逮給廩肉綿絹有差又蒙

上憲檄行鄉飲允為曠典路甸年高有德者在所不乏既與其選應臚其人載其行以作後人標準將來君子或可顧名而思義云志鄉飲

大賓

路南州志

六八

徐致遠

建坊旌母教子成名
孝慈公直鄉黨欽之

李維章

幼孤勤孝品行
端方士林推重

介賓

李見龍

德重鄉里開河
著績士民稱之

楊耀南

忠臣後嗣士行
克敦年享上壽

張元樞

勤儉躬謹厚
守分輿論嘉之

韓丹陽

立品嗜學
不愧儒者

徐允恭

溫厚存心
慎重處世

耆賓

楊一甲

年立身已大謹厚處世溫和

徐致廣

業節婦少子孫成性謹厚承父祖立

徐開成

李仲甲

楊文傑

流寓

流寓之倫不一遊宦者有之遊學者有之尋訪高士奇書異文名山水者有之然非其人品行足為士林之望著作堪為學者之師又奚取焉路南遠在天末賢豪車轍馬跡罕至所可錄者二三人耳

志流寓

曹應昌

號石霞湖廣麻城縣人崇禎己卯解元癸未進士博學多文父巽之明末為雲州佐

卒於順寧昌於康熙癸卯來滇迎櫬因與路南知州張皋謨友善遂寓路南名山勝地多所題詠後之迤西遊順寧卒於大理理刑楊光傑挈其櫬以歸

路南州志

七十

張錦蘊

蒙化人明經隨子端亮宦遊路南多所題

陳文偉

江西舉人流寓路南有學識尤精於易州士得其傳者甚多

隱逸無

人之以隱逸傳者必有經天緯地之才韜光泉石不為世用如四皓嚴陵始足當之非伏處囊中不能脫穎而出者流也路南禰小一人一物皆可觀記今六十餘年來

聖治旁敷休明雅化一才一技咸思見用豈復有高蹈者哉不敢妄列

仙釋無

仙釋之去道遠矣然迹其外形骸空色相事知未來常足以動人情竦宸聽仙釋之不能廢也久矣路南禰小開闢未二百年士朴民淳無他好尚間有宗其教者不過淡嗜欲遠塵囂而已至若白日飛昇蒲團坐化概乎未之聞焉故不復志

土司種人附

西南之患釀於土酋明時日尋干戈有因事而廢職者有相沿而襲職者至今

皇上文德遐敷武功遠靖聲教四訖無遠弗届數十年間螳怒者芟刈略盡而革面者仍寬大存之故秩不改世長其彝民而土司不復跳梁路南土司已在芟刈之列矣爰序其事於左志土司

阿保

路南州志

七二

秦普

秦祿

秦福

元真 福次女

慶姐 福少女 秦氏至此廢

種人

獐獮 居深山住茅屋種蕎稗煇麥草子為食其衣服襪與漢人稍異雖盛夏必披羊皮

有黑二種白

災祥

盛世不言祥瑞而春秋災異必紀故景星慶雲可不錄日月山川之異則謹書之蓋人事動於下則天象應於上理有固然聖人因之所以畏天而修德也此坤維之失寧與庶物之足為國家禎祥者例得並書焉志災祥

明

萬曆二十四年八月地震

二十五年八月二十八日地震

路南州志

七三

三十七年正月二十六日文廟產白燕

本朝

康熙四十七年產嘉禾二莖三四稔不等

路南州志

康熙壬辰路南知州襄平
金廷斌輯
民國十六年補抄於京師

132
12



邑人楊
立德贈

路南州志卷之四

藝文志

路南闕志藝文無從紀載所以往昔名公先生間有著作類多泯沒無存今欲搜輯成書僅得之斷碣殘編與學士之傳聞存十一於千百耳至於近時詩文必擇其長者登諸集不敢濫為紀述以致續貂之誚故帙中所錄殊寥寥也志藝文

記

路南州始建學宮記

學使鄧原岳

福建人

路南州志

一

高皇帝之平滇南也蓋實以重兵臨之於是草荆未遑講馬上之業釁孽時作無歲而不厘王師經理既定始圖久安之策郡縣基置漸以俎豆代干戈久之滇乃益治文風且振椎髻之民率襲冠裳登其賢能而賓興之一視中土翩翩乎明德遠矣而路南故隸澂江自成化間始改設流官地絕僻什一依山箐而居愍不知學其穎者稍通章句籍博之士往往寄他庠厥後益多道路跋涉諸生苦之而山箐之民亦竟不識衣冠作何狀則何繇順

化越人被髮視章甫猶弁髦何以故不習故也即引而置之通邑大都文物從容有面赤而走耳萬曆丙申鍾君應麟來守是邦圖之三老咸以為建學便上其議於視學使者兩臺疏請於朝得報可越辛丑而竣役不佞受成焉凡所創建者曰大成殿曰明倫堂皆五楹曰尊經閣曰敬一箴碑亭曰啟聖祠曰文昌祠曰鄉賢祠曰名宦祠皆三楹泮水戟門齋舍衙廡無不備具蔚然鉅麗之觀矣今守史君載德幸而語之曰是諸大夫之寵靈而載

德藉手以告成事者也願使君勒石記之夫古造士之法則莫詳於成周考成周之所為學者其名曰庠而釋之曰庠者養也養也者作之孝弟忠信之心銷其暴厲恣睢之習六禮三物皆此也辟如養木者然置之於深山大澤無斧斤之擾至於干霄以備明堂之用此寧可以歲月冀效哉高皇帝養士二百餘年其法稟之成周而其大要乃在伸士之氣而培其節夫士之氣不扶則抑士之節不植則隳以廟堂之威欲行於縫掖之細何求而不

得毋寧自屈而伸之凡以培倫常而明綱紀使之有所維持而不壞古聖王所為久安長治之術其率用此爾者利孔既開盡山澤而錮之即學宮不免焉遂至右鹽鐵之利而左文學之說薄其所為養者而重其所謂罰者士之氣節幾抑鬱而不得伸彼都人士且儼然依於夫子之教而凜然習於高皇帝之約束堅持其孝弟忠信之心而盡絀其暴厲恣睢之氣夫以荒服反覆之國易動難安曩日金革所不能縻者而今以非道加之猶不易其

素此無他教之所懷上之所作也史言文翁守蜀蜀地僻陋有蠻彝之風欲誘進之乃選郡縣小吏開敏者飭屬遣詣京師受業蜀人士化之比齊魯焉今士生右文之世不出戶而得師何論漢德故被服聖教則為良士沐浴聖化則為良臣毋自卑其氣毋自隳其節期以用夏變彝較然不負其所學則豈維諸大夫藉以榮施不佞視學於此有厚幸矣鍾君內江人史君潛山人前後守潯江者王君祿兆即墨人陳君子侃休寧人皆與有勞者其

經費則二刺史捐俸為大役先而庶官羣弟子亦樂助其成云

路南州守題名記

知州李敬可

周禮大司徒施教法於邦國使之各以教其所治民蓋重親民之任云自秦置守百世不易以至今日官有全減地有邊腹而品級無異焉國朝輿圖益廣視滇在萬里外路南又滇中一巖郡耳自漢唐以來為建寧為昆州天寶末為落蒙所據元置萬戶府尋置州領邑市縣我朝因之弘治間始省

縣入州二百年來大化雲蒸人文蔚起異省之民與土著編籍居半而溪洞山箐披繩衣皮無年月書契刻木為信庶幾標枝野鹿草纓艾服可治也蒞茲土者蓋無難於御彞而破琢作奸吟畔為寇兵燹之後軍饟稱難今上壬子不佞奉命來守茲土兢兢與民彞相安於無事而賦稅無幾經制有限歲時人事渾樸無文又相與遊於純苞之天至其勦竹山之寇障黑龍之潭建師儒之官甦里甲之疲又前諸君子所較著者不佞亦何所事事故

相與守章程平政理耳職官舊無所考自元末及
洪永間始列土知州名至成化間改流今紀其名
籍亦自此始而得失之林循否之辨鈴閣閭閻之
間有非峴首龜龍之石所能悉者觀者惟命

修濬黑龍潭水利記

知州吳元孝

蓋水利之為政治要也國賦民生實根本焉古昔
名宦循吏靡不惟是為務涇之三渠漳之十二渠
尚矣其後倪以公修治於六輔范文正濬築於廣
陵信陽令有子貢坡之號胡襄守有如春陽之歌

流澤無窮聲施後世豈偶然哉慨諸當年所為慮
始以臻厥成者相視營度功誠偉矣路南州界深
阻山澤未闢水源出自黑龍潭而陂堰弗建蓄洩
無備旱潦曾不得一勺之用自贈中大夫大叅鄒
公蒞茲土奉職循理以為治百姓樂業訟獄平反
他如增課解羨種種又其緒耳然於水利尤加之
意爰築堰束水勢鑿渠數十里通水道繇潭口抵
大屯原隰幾千頃皆為沃野無凶年州民粒食之
休貽於萬世洋洋乎惠澤流傳與古爭烈而建祠

公聞孫今四字
並未顛倒謬誤
蓋謂鄒公有聲
聞之孫為今之
憲臺總真泉
也若以為聞聽
之聞則反謬矣

崇祀俎豆無替視歌誦殆遠過之矣歲久陵谷遷徙渠漸闕而野幾涸夫以川澤在前弗因之者之過也公聞孫今憲臺總真泉平反無冤世德直與于門並稱尤勤水道遺跡以光大先澤方元孝入境贊謁首舉以詢時固拙劣未遑開濬蒙泉憲授以方畧始知所嚮以從事爰循故道閱視實由谷口之衝水激沙崩此塞彼必決毋怪乎旋修而旋湮也於是堅壑谷口增規橫石洒盪沙泥使不墮塞溝瀆中而後潰者築之闕者疎之渠復其故而

路南州志

六

沃野再覩於今日軍民之懽忻鼓舞戴德於憲臺者猶當日之戴德於贈公矣惟贈公經畫之遠猷憲臺繩武之極思精神潛孚而不隔故功烈經久而聿新路南億萬世之利孰非食鄒庭兩世之澤也哉祖孫濟美德業交輝寧啻李贊皇黃安陸已焉揚伯起之五代張子孺之七葉其繩繩無多讓矣無煩公帑非餘澤之浸灌有以感動之烏能若是元孝下吏何敢以不文之辭為揚厲幸附畚鍤之役而興仰止之思敢綴誌之其董督則本州吏

目黃君應登實有功勩焉分修則得水利老人夏時秦王朝栗正芳也例得併書

凌雲閣記

知州金廷獻

己巳冬余倅巴陵登岳陽樓讀文正公先憂後樂之語見其慨然以天下為己任而樓遂因以不朽心竊慕焉維時無所更張一加整飭治即粗有可觀蓋巴陵夙號名區左洞庭右彭蠡水深土厚山川鬱而氣蒼蒼是以地靈人傑政不勞而俗自易非若遐荒僻壤補救維艱也乃丁

丑以父艱旋里憂樂之念徒付諸瀟湘雲夢間迄庚辰復任廣平歷乙酉春

聖駕南巡趨事行在

天子不加棄逐且錫以

御書浩蕩之恩渥矣憂樂之志敢不加勵焉不數月量移路南見其城郭半荆棘田野滋草萊心甚憂之於是築堰開渠以資阡陌治雖小補尤憂地處天末厥土中下厥水泥塗山川拙而地氣薄恐俊傑以地限也乃謀諸寮友紳士修黻

宮立義館以作育人材復於州治後壘石而臺
庀材而閣朞月落成東峙龍山嵐光隱耀西伏
獅嶺佳氣氤氳南仰紫玉茂林晝靄北俯郊原
隴樹參差閒眺野老荷笠還偕學士謳吟顏其
閣曰凌雲閣蓋以佐山川之缺補風土之偏俾
地鍾靈而多士蔚為

國楨或亦可顧而樂之也以視文正公之岳陽樓
雖有未逮而先憂後樂願附仁人君子後故為
之記以志不忘處巴陵之初念云

重修學宮記

金廷獻

韓昌黎云莫為之前雖美而不彰莫為之後雖
盛而不傳甚矣哉謀始之與圖終未可偏廢也
然謀始者或因時勢之可乘而遂樹其功於一
旦圖終者自一世以至十世千百世前功賴以
不至隳棄豈但一二人力哉天下事之廢興無
定關乎教化之重者無論已惟是國家庠序之
設所以崇儒重道明倫育材道德出於斯經濟
出於斯文章出於斯且春秋祀典于焉奉牲帛

而陳俎豆舞干羽而奏鼓鐘事之闕乎教化之
重者孰有加於此者乎路南自有明成化間初
改土設流至萬曆丙申鍾公應麟來守是邦力
倡建學之舉廟堂是其議文教始興至癸卯而
登賢書者遂得張君繩臯楊君啟南厥功偉矣
及

本朝定鼎之初年又得張公臯謨重新之而金君
士敏徐君煒麒辛丑並舉孝廉鍾張二公後先
輝映皆大有造於路南者也乙酉冬予分符刺

是州入其境土地不闢入其郭榛棘叢生而民
多菜色心竊憂之三日謁

文廟由文明坊至櫺星門經名宦鄉賢祠東西廡
趨

大成殿從明倫堂登魁星閣歷

啟聖宮 文昌宮俯仰瞻顧木殘於鼠蠹而垣頽
於風雨憂心愈忡忡焉亟欲修葺念人力在所
必用也夫以必耕而食之愚氓用以築堤通渠
墾荒彼則踴躍從事用以新學校營宮墻士農

之分久矣恐猶秦人而責以越事雖重貲以募之豈所樂哉爰是順民之欲修昌樂壩引其流注南帶城堰北帶城堰以資灌溉復創雙龍壩鑿溝澮而田畝得以廣闢凡於民事攸關者一勉力行之亦本古先聖王教不先養之義也數年來畝畝間幸而漸有氣色義學設矣於辛卯歲敬捐薄俸而學廳紳士均欣然為之助即農家之慕義者亦爭相趨事由是庀材鳩工于秋仲經始畝者直之朽者易之闕者補之塗墁而丹雘之四閱月而告成殿閣堂廡宮祠門坊復煥然一新矣今日者恭逢

聖天子覃敷文治

諸上憲樂育英才廷獻承乏斯土庶幾可告無過而于謀始之鍾公圖終之張公其美不虛彰盛不虛傳亦未嘗無小補也雖然後之視今亦猶今之視昔予不敏治不逮前人無足取願後之牧斯土者繼鍾張二公之志以為志則此學宮也千百世可也予得無厚有望歟是為記

路南州重建學宮記 進士曹應昌流寓

路南之改土而流也自明成化其建學也自萬曆丙申鍾君應麟上其議天子得俞旨始作人是邦厥後癸卯楊君起南張君繩臯實首貢賓興繼揚而來賢書接武如己酉之董君邦昌辛酉之楊君興南至壬午袁君偉周君際明皆擢高第今稱州名紳且先楊君以成曾以明經應世鄉賢俎豆其間歲祀猶日昭焉

本朝版章一新人文蔚起辛丑掄賢金君士敏徐君煒麒連翩鵲起而應思皇皆由吾楚西昌張君臯謨蒞茲土闡明道教而

聖宮黌序一重構而大恢之也凡精氣屯結數十年即必一開即必有偉人應運其間來勦懋烈况聖教崇倫滇南慤俗尤為

上帝所軫念而必篤生良牧以鼓歌蒸變其地者乎張繼鍾而加厲輒皇兩土以報之自今登俊殆不可量若者皆天也然而不止於天也地也余遊路南矣登獅山而瞰子龍學宮枕奮迅接

逶迤風雲會焉遮日之山自東徂西休柔之水
東源陸涼而西洩盤江為尾閭東西所經陽開
其腹且鹿阜之光熠熠其右響水之風噓拂其
左洵為路南文治之區也抑又聞之地氣移賁
如雨育苗凡土著之賢即借才鄰國西南荒服
兩粵叢爾不足借者芝雲洛水之為靈式穀茲
人士即必北乞裁峯東謀岫嶼而鍾君張子先
後來牧是邦挹彼注茲氣移而賁蓋地也不止
於天也而實非天也地也蓋人也心力所及崇

牙以起鐘鼓斯聞鍾君遠矣吾所知者吾友張
子與余同筆硯於寒溪退谷間者三年以名士
屑意荒區銳謀絃誦聞其始至也宮牆之地鞠
為茂草盈盈泮水間健兒飲馬者數年張子怒
焉謂吾談聖賢書舍此何事即占筮卜日鳩工
庀材而迅圖之功不期成不止也曩使張子採
金銅而賤桃李則教湮因簡俗而雜伯治則學
北邊俸易遷視一官為傳舍崔羅不掃徒仰屋
而無何則亦湮則亦圯然而張子不爾也一日

而百年之偏隅而五教之降牧伯以職師儒出
蒿蔞而於論樂矢肇造於物力維艱之會飭禮
樂於干戈甫定之餘凡張君所為視鍾君為極
難耳諸士殫心經費值兵燹之頻謀生不暇乃
能克贊張子以成此輝煌金子士敏孝廉也李
子椿韶薦紳也願與諸生朝夕泮宮凡所可捐
不留餘力一時庠生踴躍爭起首任其難如徐
國麒楊之奇嚴人望趙嘉祥楊維清趙士璠蘇
佺李士吉趙維命倡其事施祚昌李昱金士适

楊偉猷趙睿張行恭親其勞夙夜經營各殫厥
心甫六月而

聖謨煥然楹成丹雘非諸生其誰勵翼之故曰人
也非天也地也然而張子蓋身之又不止於人
也張子事其尊君太先生絕孝友愛羣季段文
瑞之風茲里也大差往復織如平波牧馬健兒
戰帖垆野李督郵之綏斯國也涵濡庶士保抱
羣黎諸所三老訓而月吉陳者靡不身自為教
以教諸士鐸

文宣人且若寬譬言之而況於迂引天地者乎矜
式惟身修身為教諸士之身其亦猶之乎張子
矣

引

修建魁神閣小引 知州陳可

魁屬佐司文衡之神考之天官書及漢晉二志
斗魁戴匡六星曰六昌宮一曰上將二曰次將
三曰貴相四曰司命五曰司中六曰司祿大約
魁神居六星之一而星居斗口初無待於人之
祀之者乃天下諸文人祀之者何以神必祐之
者也天下諸文人又崔嵬其殿閣崇祀於宮牆
者何以為非此不足以尊其瞻仰妥其神靈也

路南州志

十五

路南當兵燹之餘

文廟及

文昌殿

魁閣盡付祖龍迄我

大清定鼎荷

櫺各上臺加意撫綏俾諸屬吏得以奉行惟謹
於是廢者復傾者葺率皆次第修舉如我路南
前守張公汝士偕都人士議謂修復之宜亟者
莫過於

文廟至於今

大成有殿已

啟聖有祠已兩楹有廡明倫有堂而

文昌有宮已惟

魁神一閣缺然未備鮮如宗先生秉鐸茲土謂是役不可復後仍偕都人士首事鳩工以非獨力之能支而授簡於余使弁其端余忝繼張公汝士後斯閣不建亦余之憾曷敢辭夫神之在空虛也杳杳冥冥或禱之而應或禱之而亦不

應非應與不應之有殊也其禱之而應者必其賢且材足以當孝秀之升而充棟樑之任也其禱之而亦不應者必庸且不肖不足以當孝秀之升而充棟樑之任也然吾猶有進於此夫物之無遺鑑者至於神而止而人之可自為轉移者亦非限於庸不肖而止賢者材者神固祐之庸與不肖翻然自勵而進於賢且材焉神未嘗不因人有自新之圖而遂弗喜之也雖然賢與材在人之自至耳懋修罔怠將紆青紫登仕進

出而見遇當時何借於神而云然是人者固贊
神之所不及矣持是說而集建魁神之閣不已
左乎夫人之賢不肖非天有以囿之也使賢者
遇而不肖者終無自新之路則鬼神何所呈其
靈而人將置虛空杳冥之說而弗信之豈復有
聽於神者哉欲人之觀感而通者必借資於神
然後良楛皆為有用然後材者自信為可必而
不材者亦將勉強希冀徼幸於不可知之天其
所造就斯已多矣余因以是勸路人士而又稽

首斗樞自茲以往惟願

鬼神盡錫色荒之度俾賢者遇而不肖者翻然
悟自新之圖於以濟濟充廷為國楨榦神功報
祀之典當未可以已也

凌雲閣引

知州金廷獻

蓋聞山川毓秀固大造使然至參大造之結構
補其偏而增其美者又不無資人力以為之路
甸為古昆州城在州治之西南隅距今城里許
後乃城於紫玉山之北中聳一峰名曰鹿阜地

之靈者也跡其龍脉自西北逶迤而來至學宮
而一結再伏至州署而又一結前人之創立不
為無見惜乎元武主山失倚而對峙之紫玉相
逼客主弗相翕以致自建置以來時非弗久也
而閭閻樂利之風庠序科名之薦未聞十分臻
盛余既任斯土補偏增美責有所歸又安能置
之而不問也哉故覽其形勢謀諸堪輿家云建
一閣於署後以為主山前控紫玉後映三台於
闔州大有裨益繼又商諸學廳紳士皆曰善乃

捐貲以採木石於州署後數十武而闢其基築
其臺建其閣焉鳩工於己丑孟秋落成於庚寅
孟夏名之曰凌雲冀州之士民將來樂科名之
昌熾與凌雲共升恒而弗替此余所深望也是
為引

疏

重修興龍寺募疏

廩生楊夢誥

郡刹有名山而不名寺者寺以山傳也有名寺
而不名山者山藉寺以傳也距城北十五里有

興龍寺余嘗遊之矣形勢蜿蜒後峯展旗雲卷
霞栖有起止之勢嵐光照人層浪自接其下松
柏翼嶺蒼翠無間有石可坐溪澗塍溝時時宕
人眼其禪房花木桃李花與映山紅盛開如春
綠葉濃陰行人歇而憩如夏蟲切切作促織吟
紅葉委地霧鎖蒼虬梅衝寒欲放如秋冬真莫
定其四時者更有曲徑通幽處忽一巖奇甚拖
藍飛練磴可摘星綠繞青來另一洞天誠欲界
之仙都也余倦飛入林萬念歇下偶夏杪小息

於此逢僧話目擊棟宇飄搖若欲及客之身佛
界玉筋有我相無我相太息者久之僧宗喜
謂余曰今日之宰官身得度者皆夙種福田者
也境敗觸目若其身冒風口也弔羣像於莓苔
之中若其衣蒺藜也因乞言於余而為說法余
謂倘布金精舍而像之殿之垣甃之依然大雄
也亦何靳一言向宰官身得度者而為說法乎
然則興龍寺亦可傳也已興龍之山亦可傳也
已

賦

滇南賦

學正李汝相

萬里之遠域為滇陽星分井鬼地界南方黑水
載在禹貢聲教通於漢唐劈於炎宋開為元疆
書於玉版留為金湯交桂逶迤而南攝吐蕃遙
控而西走羅施層壘而東望巴蜀通道而北偶
於山見哀牢太華之翠點蒼金碧之危玉筍秀
山矗立雞足水目稱奇龍尾森而雄峙獅頭鬱
而孤支於水見仙湖洱海之深瀾滄金沙之湔

溫泉盤龍擅名怒江斂湖爭廣昆池廓以呈紋
石淙碧而清朗爾乃湧鹹泄瀉估客如雲吸露
飲泉逸士清芬魚鼈鱣鰈之登俎兮尚何冀乎
吳尊銅鐵金銀之獻寶兮復何羨乎奇珍松瓜
柑棗之竝生兮判兩迤而分路檳榔蘆茶之絡
繹兮入五都而繡錯於是乎擗柳拖青修竹緣
壑青羅婆羅之殊其華雪梨石榴之吐其灼園
桂馥兮秋馨霜梅綻兮春爵或乳檀的的而騰
霞或安息靄靄而棲鶴紫苑艷冶白蓮清香山

茶杜鵑之披其藻青蘭黃花之異其芳薔薇發
兮幽淡芍藥吐兮艷妝或紫綠融融而醉月或
碧黃色色而傲霜若乃子規夜啼鸚鵡人呼孔
羽纏翠鶴頂冠珠鳴鶴吟兮苔山巢鳥戀兮珊
瑚夕羊憚露狡兔迎月猩猩夜鳴猿猱爭捷熊
罷號兮林深虎豹嘯兮風烈原隰繁衍兮高陵
陂渠禾黍盈盈而比櫛關津啟閉兮城郭巍峩
喬木綿綿而不絕於是乎五華毓秀昆湖儲精
俊髦崛起名哲挺生或坐月而寫情或尋芳而

托志或染雲而丹青或濡墨而書字學富中谿
雅擅西園博記冰玉張含載石輕舟高致張叔
盛覽傳經於先李平文彥監節於前志誠草中
之聖郭文詩家之仙石淙彪炳相業毛玉骨鯁
諫傳宗龍繩武人中之傑見捷清聰經術之全
廷璧號剛直不阿希載稱清雅風度楊惠曾孝
感神明張隆復墓繞狐兔略縷前踪使人心折
近沐

休光適與之埒天覆地載兮

皇教遍於窮谷霞蔚雲蒸兮

文治光於部屋遐邇一體兮願附驥尾而觀光中
外禔福兮神馳螭頭以飛揚悵天末之萬里兮
儀前賢以媵修排青雲而直上兮任攬轡而遨
遊

五言古詩

夏夜與公敏蓮峰話舊 知州許維祚

爾我流落人相顧還相訝言之心骨悲淒然數行
下鳥息樹色暝月高天入夜杯盡思轉賒語長不
可罷嗟予素心交同是覆巢者性命得苟全道義
安可舍握手在歧路易水值初夏斯別各努力剪
燭為君話

喜次公見過

許維祚

春雨亦綿綿晚晴屢無驗園林亂落花亭草獨稱

路南州志

二三

饜蚤起雨聲休雲中日微艷几席肅餘寒道途泥
未斂此際得君過知君頗相念盤飧富野蔬情至
難屢忝琴理悟靜機忘憂托書劍日夕掩荆扉幽
閒共君占

咏所各矣石崖

康生楊夢誥

磊磊環山石玲瓏八面開眼空胸襟闊窟邃劍光
埋路歧花徑狹人寂鳥聲催寒戀岩邊樹春歸嶺
上梅疏烟籠翠壁淡雨洗丹崖桃花洞口笑疑是
小蓬萊

七言古詩

題我法踏雪尋梅圖

知州許維祚

彤雲覆迷遠岫朔風吹六花鬪鶴氅蕭然一老翁
鬚眉宛帶鹿門風谿畔悠悠發詩興跨蹇徘徊小
徑中野樹孤村煙霧織幾處寒梅露春色呼童折
得度危橋歸置山川破寂寥

讀彌勒揚督師碑

舉人表偉

彌陽山色龍嵒起佳氣半在西山裏長通一道映
拖戩其間指是督師壘憶昔懷宗端帝初先生攬

轡上公車方臥花磚移日影旋載駢駟畏簡書朝
出龍樓暮繡衣手執長戈挽夕暉盡使鯨鯢消汴
水持節三年抱斧歸再拜綸音入內裏漢署談兵
不老郎朝門媿嘲立仗馬易府還稱鳴鳳陽是時
黃巾徧地蜂定亂何人不彎弓簡束遵化作鎖鑰
閩外相傳有寇公無何天子又東顧黃金肘後許
節度運籌直到山海關無使鳴綠江頭渡公從伏
枕授上方白麻重拜不敢當猶然力疾走豐閩竟
騎箕尾上穹蒼五百精英斗牛盛天奪先生何其

速當年若作仗劍身試問中原誰逐鹿可惜功高
過太奇成功不似李泌時刺得青魂還故土空山
夜夜泣子規轉因此地思往事無端又灑甲申淚
諸陵壘壘已成灰何處為君嘆憔悴

贈別寅揆旋里

舉人繆

琰

昆明人

君家世德由來舊迺祖累仁天所厚雖云未襲軒
冕榮知足樂分仁足壽後先輝映稱象賢才高南
斗氣浩然到處名山供嘯傲携囊時檢錦繡篇庭
畔千尋雙玉樹已見君家先獨步少年折得桂花

還朝向西山學種圃興來搦管坐松阿詞源瀉出
倒銀河眾壑羣峰攢筆底片刻煙雲萬頃波此樂
只知行我素那管世人朝復暮豈云不知道南來
連年羈縻翻嫌悞慨然矢志賦曰歸難同卧轍挽
征衣搖曳旌旗明月渡相思惟日對斜暉

歌

石林歌 和韻

學正張端亮

天空一派雲根補曠望稜稜呈色五何代星精墮
大荒芙蓉亂插山之塢斗削巉岩箭括通千枝玉
笋難為數擬從東海策神鞭更遣五丁施繡斧八
陣驅來嶺上屯縱橫布置開門戶連城縹緲列旌
旗隱伏犀軍鎮寰宇抗步纔登峯崿峰側身轉向
清虛府藥室璇房合異區烟光為練霞為組手捫
嵌竇赤脂凝霖霖濡人迸滴乳左垂華蓋右垂纓

高者揚幢低覆釜小邱徐聞笙間鏞大則填然搗
鉦鼓堅剛自是老爐錘屹立何曾混塵土鐵騎群
驅林麓奔虬龍倒曳山腰嫵或馳翹象走妖魑或
布金沙堆粹瑤風噓邃谷鬪雷霆霧匝虛崖藏豹
虎朝望朝暎羲馭騰夕望夕陰涼月吐紛披瑤草
繡蒼苔香馥叢蘭斂翠雨遙知太極剖鴻濛別闢
乾坤恣仰俯丹竈豈無大藥成仙掌憑將莖露取
采芝此地老軒皇刊木當年勞夏禹况有清泉複
道流倒注銀河深莫覩汲來冰雪沁我腸冷冷為

勞
疑是
誤

滌煩囂苦何人示我還丹期我欲從之棲元圃渺
渺仙踪不可求為問崆峒誰是主載將筆墨紀勝
遊惜無麗句增詩譜狂呼斗酒問青天二客從予
皆起舞極目蒼茫萬壑陰一聲長嘯空千古

萬壽橋歌

學正李汝相

朝辭昆州城馳入堡子塢父老策杖迎具言橋利
溥川為巴盤源水沸多震怒車馬不得過行者涉
之苦鑿石空半山匠氏不能估營造費不貲土人
日勞午陳情金郡侯倡捐震河鼓疊石作津梁天
工人力補適當

路南州志

二七

萬壽春功成一方祐四達號通衢人人歌樂土驚
濤不復憂蕩平石作壘歌舞慶堯天往來通商賈
舉酒以言歡劇談罄瓶酤鐫銘千萬年俚句傾懷
吐樂只君子哉勒功江之滸

石林歌

何處飛來怪石叢盤根竇竅鬱玲瓏森森稜稜鐵
騎列千門萬戶曲澗通崖窟層層鎖玉關羊腸鳥
道苦難攀恍疑紫雲天上落五丁把住留人間危

磴高峯真鬼斧球琳瑯環奚足數中有一線清泉
流老藤穿壁苔痕古

石林歌

舉人徐煒麒

何時峭壁天空補搔首問天離尺五落雁峰高入
翠微李園僻在山之塢玉筍干霄不易登金莖承
露誰能數嵯峨青嶂倚雲邊窈窕丹臺開鬼斧旌
旗搖曳立天門刀劍森嚴擁萬戶只從嵌竇構巢
居不向丘隅誇棟宇旁峙踈樞共綺窓中環畫閣
並瑤府我云境寂可投簪孰謂谷幽人佩組層層

僊竈自鎖烟纍纍棋枰嘗懸乳鳥跡徑穿擘巨靈
鴻濛竅鑿垂鐫釜遠而望之類鯨鐘近而叩之似
鼉鼓玲瓏百仞長莓苔複道千重渺塵土來往惟
有白雲親低昂乍見青山媼上若鏤刻以瓊琚下
若琢磨以璠瑤想多隱豹及潛龍疑有飢蛟兼餒
虎翠屏石上波濤生殊壑空中烟嵐吐寒暑不知
春徂秋晦明歷盡風和雨下有泉似鈇鋸潭激流
洗耳隨携取天塹窺之比甕深河源尾閭無從覩
清且漣兮出澗泉或者疏鑿勤神禹青袍布襪歷

丹丘信步巉巖忘所苦薄暮探幽似錦城平明紀
勝如元圃丘樊原無車馬喧剝有烟霞可作主此
時安得丹青人收入摩詰輞川譜覽勝有情還有
興載酒問奇當歌舞壁上無慚黃絹題磨崖鐫句
留今古

五言律詩

西園小飲

太守裴粹度山西

雅集忻良日幽齋屏俗塵屬樽先遠客序坐屈鄉
親興劇嫌杯淺詩狂得句真相逢萬里外莫厭醉
歌頻

其二

細話平生事文章屬我曹鄒枚風未改嵇阮興猶
豪小酌沾醺醖荒厨薦苙芼與君同盡醉醉筆寫
風騷

路南州志

三十

其三

芸窓初入暝樵漏正傳籌且共樽前笑莫言力外
愁榮枯憑造化花月任風流何日浮雲客逍遙老
比丘

其四

童僕林林立大都不解情燒爐遲酒盞換水冷茶
鐙燭焰懽賓雅芹香笑主清相將憐意氣擽飲到
參橫

其五

狂懷何處寄天地一虛舟把酒澆詩癖揮毫遣俗
愁知交惟淡遠尋賞在清幽願共松筠意無為古
道羞

香山寺

知州許維祚

錯認東林路幽深曲徑連
嬾雲低講席怪石咽流泉
日落烟光集山空雨勢懸
未能結茅宇知是少清緣

宿來清軒

夕照依樓盡歸鴉破曉烟
凭欄因待月默坐學安禪
草木經秋變星河入夜全
清樽供眺望得意在林泉

路南州志

三二

送文成之江寧

不盡肝腸話依依遠別情
飛花隨馬去啼鳥送君行
晴野綠程濶春山縱目清
相思兄弟輩夢繞石頭城

春興和米紫來韻

園林朝雨後風剪落花輕
靉靄山常在呢喃燕有情
身閒塵思減境靜道心生
幸少曳裾處誰能倒屣迎

蔣別駕邀飲杏花下

杏圃祇園外春深雨後涼人依芳樹坐風送落花
香晚岫歸雲冷荒城蔓草長連朝頻載酒幾度醉
斜陽

感懷

天地蜉蝣寄遠廬豈是家客窓虛映竹老樹晝啼
鴉醉共親知笑愁聽兒女譁夜來有幽夢閒坐憶
京華

堰城偶賦

知州羅之熊

引水平山麓分流逐甸斜沿堤栽柘柳遠屋種桑

路南州志

三三

麻男事耕耘計女成紡績家公租輸已畢何必到
官衙

勸義館諸童勉學

知州金廷獻

兒曹休作輟歲月不常留開卷賢如對潛心業可
修門迎千嶂翠座繞一溪幽滿目皆文境隨人筆
下收

贈徐在魯

進士曹應昌

舟楫非吾事池塘強自寬多君贈蓮葉助我戀魚
竿解纜尋花徑停橈傍石欄風波此中少行路不

愁難

又

谷口衣裳懶閒人日月長雪能憐竹弱茶不負泉
香譜石都忘倦移花自惹忙遙知塵世外盼此白
雲鄉

石林

候選金瑛廣寧人

幽林何太僻萬石鑿深宮徑轉疑無路山鳴似有
鐘古苔緣雨滑邃窟倩雲封半點塵難到惟餘谷
裏風

路南州志

三四

獅嶺

積翠盤千尺攀躋路入遲紆迴難駐馬蹲踞果如
獅梵鼓催松浪薰風響竹枝憑高誰作侶極目夕
陽時

興隆寺九日登高

滇南稱絕頂况復又登高馬足雲中落閒情世外
陶白衣人未遠脫帽興偏豪過院僧求賦臨池試
筆刀

題忠節楊公祠

學正羅銘鼎

名祠垂路甸大節重黔潭赤日光爭烈宅溪水尚
寒舌並常山著骨同柴市完忠義留青史乾坤萬
古看

贈徐九徵

學正張端亮

性癖耽幽勝時來叩草廬高梧留繫馬小沼坐窺
魚僕解供園職兒能讀父書家醅堪取酒多為故
人儲

又

爽覺秋先到庭陰溽暑收風藤垂紫絡雨竹臥蒼

路南州志

三五

虬榻向南州下尊同北海畱相將聯二美共作醉
鄉侯

又

地僻遺塵跡烟霞半畝開翠植先生柳香培處士
梅隱几南山近鈎簾好月來坐餘幽興愜移席向
莓苔

又

高士吾何敢惟因孺子過就陰支短榻泛酒折新
荷禮可疎軒冕情應老薜蘿故人牽旅夢相對思

如何

賦得川波岸柳春全迴 學正李汝相

新築泉邊室還欣淑景多連漪縈水浪淺綠拂雲
蘿寒氣總消去和風此會過春光今日滿持贈意
如何

黔闡和魏大總裁原韻

山斗才名重論文更漏深十行飛玉屑一片識冰
心列炬光騰漢清風韻入琴千秋逢大雅側耳聽
元音

路南州志

三六

咏懷

寄跡昆州裏遊心太古天窓疎雲補密吟歇鳥聲
連縱飲薰深竹陶情小漆園此生多樂趣隨在自
悠然

晨起

晨起茅齋靜曙光東嶺餘寒霜沾袖濕清靄入簾
疎地僻人行少官卑氣度舒窓前生意滿青草不
須除

踏野

翠黛團山色奇英入錦囊
漱泉消午醉揮扇受清涼
梅店橫黃鳥雲衣卷綠簷
思家千里外觸景意彌長

中秋賞月

捲幔來風遠移樽得月多
蟾光今夜滿爽氣細雲梭
分菓兒童喜啣杯鳥雀過
年年常似此懷抱竟如何

又

一月洗殘垢萬家生早涼
平分秋色動榮拂桂枝

路南州志

三七

黃照鬢年顏改共兒夜話長
懷人苦道遠飲酒且徜徉

賦得初篁帶綠搖新粉

鬱極英芳吐幽葩到石林
微抽清瘦骨偶寫淡虛心
翠舞朝霞近光浮夜月侵
徘徊思緒永獨坐不能吟

瑞禾

祥符呈滿地靈秀鍾於禾莖
是人間有穗應天上多
政平田祖格瑞應老農歌
萬里遐荒域歡呼報

太和

賦得水迴青嶂合

揀選李義傳

山下水縈迴青葱積翠來泉流苔蘚壁嵐吐楓林
隈一線穿幽徑兩峰孕石荻浩然題句處風景暗
相猜

賦得雲度綠溪陰

雲來四望齊蕩漾鎖清溪頃刻諸峯合迴環一水
低青苔寒澗冷芳草綠陰棲憶得風流句武陵城
闕西

路南州志

三八

花園即事

舉人韓名伯

為愛花為友清齋種一畦常懷春日麗懶看落霞
棲寫意琴頻弄陶情酒自携與君貪醉賞直到日
垂西

村居

舉人繆 琰 昆明人

桑麻行處有卜築暫芟茅掃榻琴為伴看山石訂
交狂歌寧問譜劇飲不須殺贖物偏增慨誰憐鵲
有巢

又

曳杖林塘外青山欲暝時
沉吟文相傳慷慨疊山
詩風勁林俱退霜嚴菊較遲
古人如可學雌伏未
應癡

佛面黃

舉人金士敏

吾愛陶彭澤歸來心似禪
繞籬環八寶滿砌列諸
天雨沐瞻金相風披惹梵烟
買山堪一笑佛座禮
紅蓮

端陽

端陽終日雨獨坐此樓中
蕉葉題詩綠雄黃映酒

路南州志

三九

紅物華曾不改人事迫難同
郭外誰家笛嗚嗚咽
晚風

和武陽獅山韻

獅山藏石寺不知雲樹分
磬聲方出樹客影又穿
雲塵界三千見禪宗一棒
聞夕陽催拙句頻酌為
詩醺

又

覽勝獅山上飄然一客蹤
面懸如障壁鉢影似龍
松槎泛斗牛近筇扶烟霧重
歸鞭橫翠裏清夢在

奇峯

水月橋

貢生金成憲

三五團圓夜金蟾上碧池
潮頭初起處海上半騰
時魚咽滄波影鶯窺綠柳
絲杖藜扶我過誤誦月
明詩

又

晨妝玉母鏡昨夜擲瑤池
玉液初啣處清輝半露
時磨光應已久刮垢豈留
絲因何重洗滌更誦浴
盤詩

路南州志

四十

春宵

貢生楊鍾綺

滿目春光富良宵不忍眠
琴橫明月下鶴睡綠池
邊飲酒忘新歲張燈似舊
年千金爭一刻况醉艷
陽天

春雪

瑞雪團山色入春更可嘉
飛來片地玉濕透征人
車松老髮添白梅肥枝自
斜遣懷憑濁酒訪戴踏
寒沙

賦得鬱鬱桑麻風露香

貢生喻吾道

凝眸野望賒處處足桑麻綠葉橫斜映高枝淡蕩
遮迎風貪爽氣挹露濕朝霞月令宮功執清香到
萬家

賦得積翠紗牕晴

淡影微微落幽芳默默斜青華遮幹密翠黛聚亭
賒小隙探黃卷層陰結紫霞牕紗涵寶氣莫認是
仙家

遊三台蓮峰閣

貢生董文英

三台層壘上數武入蓮峰瞻象心川古談心風雨

路南州志

四一

衝煮茶看去鶴把酒對蟠龍聞道遠公杳蒼然尚
識容

遊李子箐

峭壁崎嶇立無人敢獨先路緣鞭石就窟是鑿空
懸攢磴難窺地排峯欲刺天石林偶一過回首即
茫然

遊武陽獅山

廩生楊夢誥

振袂獅山上翩然物外蹤岩深千仞石嶺秀萬株
松彼岸登何處祇園步幾重坐來塵心到片月出

孤峰

又

不識獅山寺深林一徑分
談經花是雨洗鉢水為
雲塔影諸天近鐘聲萬壑聞
浮生閒半日肯惜醉
顏醺

贈別張寅揆

才名君擅久函丈始相親
妙擬王維筆思侔張翰
尊擔頭頻載句馬首暗飛塵
雲樹懷千里惟餘梁
月新

路南州志

四二

漁家樂

廩生楊廕誥

羨爾漁家計飄然一葉舟
曉隈芳草岸夜卧白蘋
洲燈火孤村月蘆花兩岸秋
得魚堪換酒婦子樂
無憂

七言律詩

秋夜

太守裴粹度山西

西園設榻共琴書
隙地植花種菜蔬
半醒半眠林內鳥
無緒無情池中魚
蕭疎竹韻風來後
剝換雲容雨過初
官舍猶同僧舍靜
焚香默坐月牕虛

其二

西園煙景頗幽貞
淡泊家風少送迎
有酒相將邀月飲
無才但喜少民爭
心閒意肅千條滅
性靜神歸萬慮平
莫道衙齋清况少
垂簾深晝伴茶鐺

路南州志

四三

南城登高

令節囊萸興自豪
南樓緩步漫登高
孤城落木黃花冷
異地悲秋白髮蒿
葭露拂林皆淡漠
商飈入韻月蕭騷
從今晤徹秋聲賦
齊物鴻鈞等一毛

南浦荷花

綠縠平鋪十里長
紅蕖嫋嫋映湖光
風吹菡萏香生韻
雨淨琅玕影倍涼
碧簞摘來新翠蓋
玉環夢去舊珠房
花神解語羞花貌
懊恨多情比六郎

初秋雨後遊華藏寺

層雲相住未能流淅瀝空階聽轉稠桐乳垂金光
積暗芡盤鋪翠味初柔滌滌細浪環香刹沆漭遙
波影畫樓天棘江蓮足乘興相邀達士約重遊

薄暮得微雨

知州許維祚

幸得幽居遂野情輕烟入暮鎖高城雲依虛牖孤
燈暗雨落空林宿鳥驚階下淋漓看漸濕簷前斷
續聽無聲中宵寂寞心愈靜枕簟悠然夢亦清

賦得我愛夏日長

燕雀喧喧近草堂幽人箕踞樂徜徉雲開返照千

峰霽雨過虛窓一枕涼花惹蝶愁憐影瘦柳深蟬
靜引聲長如年還喜清無事與客披襟話渺茫

題忠節太和楊公祠

督師楊繩武彌勒州人

縱橫萬馬一城孤賭命還將半壁扶宗社有靈鍾
間氣山河無恙鞏皇圖九迴抽盡腸猶熱七尺摧
餘骨未枯廟祀悠悠千載後青霜細雨淚模糊

遊芝雲洞

知州馬鳴陽

芝雲弘敞自天開怪石奇峰實異哉不與丘陵誇
世界却從空谷摘樓台巍巍古跡籠葱秀隱隱仙

踪錦繡苔更有石門擎玉柱至今長關心須摧

贈徐在魯

知州張臯謨

雛紅雉綠影彙猶掩映城南煙水樓花信風聲白
日度春山曙色一簾收騷人潦倒尋芳徑怪石低
昂類酒傳寄語東君須鄭重休將杖履逐沉浮

又

樓頭雲過醪醕尊佳水佳山自寫真如畫園林難
少我多情詩酒自留人烟蓑漁釣從來僻瘦鳥寒
郊過去身此日官衙長寂寞城南新卜蔣家鄰

路南州志

四五

同劉太史遊獅山

四十功名志未雄婆娑烟雨一心空伏波事業雖
無外司馬文章只此中載酒問奇誰自得隨山刊
石幾人通會稽禹穴長千古畢竟風流太史公

遊獅山

長道俗人是簿書好遊性僻久相疏朝來已覺舊
情爽風過能胎遠境舒積葉堆雲層石迥閒花散
雨千岩虛下方城郭依山靜日向山傍且寄居

遊芝雲洞

送別官亭覽勝留時當初夏若深秋千層晝月穿
岩曉十畝溪雲接水流壁氣寒侵來曲折石光翠
滴自清幽為言此處有靈鶴子晉吹笙汗漫遊

送我法還里

知州許維祚

皓首猶能汗漫遊長安新聚再經秋逢人老眼時
清白到處孤踪任去留客路蒼茫煙樹冷離情依
舊夕陽愁欲期後會知何日莫惜音書過剡丘

凌雲閣

知州金廷獻索

凌雲高閣跨城墉四顧層巒若伏龍彩棟縈迴天

際日珠簾舒捲嶺頭風江聲斷續欄干外樹色依
微烟雨中此會登臨多逸興恍如身入斗牛宮

又

千巒競秀翠如流無限風光入眼收盤水飛霞簷
外落獅山來爽檻中留南雲撫字才偏短北闕高
深德莫酬俯仰登臨但一氣迷離烟樹隱皇州

贈袁公輔

寄跡物外歲華流四世三公錦慢收陽酉書猜前
世讀海天人落路南遊與君縱酒鄉非醉有事賞

心話莫休指日梅花官署遠郵亭且耐一宵愁

再贈公輔

高下雲藏野老家縱橫水漱竹籬斜勒將春去許
多雨流出山來都是花白首風煙三徑草清時鼓
吹一池蛙閒中不耐雙閒手洗甌炊香夜作茶

贈徐出園

瘴鄉頭地裝飛雪紫陌牙簷洗素風可避客來衫
履外忽驚交訂笑談中陶家脚氣宣炉炭絳帳車
脂或楚雄萬里飄蓬來熨道路南孤影落霞同

遊觀音樓

浪盤高閣出中流竹樹蕭疏水檻秋客醉小橋漁
唱起僧歸曲徑鳥聲幽十年詩酒分禪幕千里風
塵感宦遊安得勞人身既退載將明月對鳧鷗

鹿阜霞光

相傳山阜翠華團瑞靄南州曙色開逐鹿當年成
盛跡晴雲今日繞林端琴揮指上生春意鶴舞堂
前依石欄觸目琳琅添逸興霞光處處耐人看

獅嶺晴嵐

獅峰陟立淡烟橫一派晴光處處呈松繞微雲花
作錦竹搖清韻玉為聲披襟坐愛朝曦暖覽勝偏
饒翠黛輕縱飲嶺頭登眺遠一時興味孰能京

石洞仙踪

日永尋芳古洞間清幽逼我紅塵刪浪痕斜湧翻
苔徑岩窟橫穿老石關鑄就棋枰誰先奕鋪成牀
第幾人閒看來往事多奇跡剩得芝雲仙氣園

環山雪霽

春光飛不到天涯夏秋之交放碧霞赤日猶疑雲

氣濕晴川徧有溜痕斜雁過乍驚梅結玉人行應
嘆絮拖花子猷不作乘舟想大意巧為寫物華

響水風清

州角東隅摘一窩泉聲乍聽自蹉跎陟來泐泐凌
波震徐住紆迴繞案過天籟偶憑晴氣入潮音時
向雨聲梭此中造化多微妙響到園林樂趣多

龍潭夜月

清幽入夜遠煙塵皓月當空映一津樹影斜穿泉
底鏡山光倒浸水中蘋投竿牽動舞衣曲盪槩還

驚折桂人自幼沛霖曾有志故將懷抱寄江春

魚池雲影

半畝方塘老樹圍低看雲影露晴輝何妨護嶺插
幽勝偏喜臨淵寫翠微朝爽曾將黛色洗夕陽猶
入水晶飛凝眸領取輕盈態點染于今濕透衣

竹山樵唱

竹山孤聳碧雲間樵子歌聲去復還乍起恍疑天
上響細聽却是嶺頭圓雲移逸韻情拖入風捲餘
音靜欲閒莫道昆州無勝事助人野興有多般

路南州志

四九

瑞禾

晴雲此會繞林端禾滿昆州瑞色闌非是異人天
上種却疑神物水中團一莖盪漾分雙穗五色扶
搖捧玉杆

聖世循良呈秀淑萬民應有室家歡

又

萬里恩波破大荒嘉禾鬱秀靄青蒼南天樹植原
無術今日紛披偏反常風擺單莖呈并穗雲移細
粒飽清霜看來頓覺祥徵異四境悠悠戴德長

梅花

晴牕的的愛朝曦老幹抽花伴蝶飛倚檻淡裝橫
遠黛臨流疏影透寒衣腮含淺綠春將動肌瘦清
標雪護肥百卉歛容留不住東風戀爾莫相違

又

性癖閒居耐苦吟荒城梅色氣蕭森傲霜瘦骨老
彌勁餐雪芳顏寒不侵月下山禽窺冷艷樽前粉
蝶戀花心只因堅得孤高節助我詩情興味深

又

寄居多愛山泉清贏得丰神異樣輕翠黛迎風香
入細冰肌立月影偏橫投竿牽惹幽人興盤石堅
持處士心上苑春光常錯過幾時為我破愁城

又

立身孤峻遠炎塵破腊冲寒氣色新懶喚何郎傅
粉黛卻將西子蹇眉顰岸容月映山溪水幽意雲
偷碧海春此夕同人添逸興酒杯到手莫辭頻

雁字

羽翰飛來不自由斜鋪錦字倚天浮凌雲墨破瑯

瑯石劃雪文分鄭圃幽三都紙貴霜毫裏大篆書
成碧漢秋欲識此中得意處名家巨筆一時收

又

冲破青烟寒未侵硯池疑捧到天心盤根鉄畫雲
間轉細繞銀鈎月下臨奇字恍從霄漢落黃庭何
事右軍尋置身高矗紅塵外灑翰橫斜不自禁

凌雲閣

小蹊崛起一高墉飛閣排空控玉龍畫棟平林宿
曉月軒窓透影露孤松品題花鳥青霄立指點山

路南州志

五一

川萬壑宗銘石紀功歌召父祥徵一郡五雲封

又

臺榭巍峩接太清凝眸遙望四山明朝晴爽氣迎
東宿夜靜幽光吐赤瓊滿座風烟排瘴厲半天雲
木透窓櫺興酣不覺輕陰散美酒沽來醉亦醒

又

崇臺高插白雲間觸目琳瑯意自閒天籟側聞炎
暑退禽聲低聽紅塵刪竹山對立雲輕護紫玉迴
環水一灣却喜此中添逸興逼人詩思許多般

又

登臨水閣共留連
曙色平分挹曉烟
入座疎窻雲
補密盈前古樹烏
低穿直衝棟宇撐
銀漢斜引山
風拂几筵勝跡鐫
銘留萬古願偕同
志彙成編

古城二景

古城晚霞

蕭疎烟樹帶城圍
日日斜陽暮靄飛
古岸嵐鋪虹
作錦一川紋拂水
騰暉輕雲半捲山
疑動夕鳥潛
窺草似肥想是鴻
鈞多蘊育霞呈五
色作蘿衣

長江半月

長江曲曲抱烟村
山篆蟾光近夕昏
日色照殘清
魄映半輪低拂細
波翻依微初朔簾
鈞影彷彿描
成太極痕欲究化
工呈巧處俯探流
水得天根

之水庵

訓導邵崇文

法刹高憑萬壑開
清江曲曲鎖香臺
鋒旋春蚓隨
堤折撇轉秋蛇繞
座來竹裏滌洄閒
悵望窻間瀟
灑自徘徊宛然逸
少題名處體勢從
心信手裁

黔聞中秋賞月宴集步韻

舉徐之愷

龍門獻賦彩雲披冰鑑誰將國士知萬蟻戰交霜
肅日五星明照夜深時杖藜近與文光接玉杵遙
隨月影移貴筑叻歌傳盛事庾樓清興動人思

又

八月涼秋夕露披芙蓉入夢鏡先知文成戰士啣枚
候筆似春蠶食葉時玉漏聲催星未落金蓮色燦
斗初移棘闈詞客吟黃絹江左才高足繫思

凌雲閣

揀選知縣李義傳

撐支畫閣挹長颺高踞城墉好勝遊烟樹迷離千

路南州志

五三

嶂遠風光掩映四時收雨淋簷溜難拖地月吐山
巔先照樓此日登臨空萬象恍如身御碧雲頭

瑞禾

秋風瑟瑟滿前川太史占星為有年今歲原非昔
歲比一莖常似數莖懸三三競秀呈霞錦兩兩爭
奇篆曉烟自是牧民多惠政故將神異放江邊

和送慧燈上人入三台中庵

為愛三台謝俗塵中庵一衲獨存真雲移輕案老
苔砌月映禪房點綠茵攜手虎溪忘遠步談心白

社戀幽人耳邊忽送陽春入字字敲來景更新
瓶中紅白芍藥

春景融融斷續風誰移芍藥點晴空百千黛色池
園裏三兩殊顏几案中綠葉扶將成淺碧小枝綽
約露深紅晚來不減庾公興明月高懸正在東

題忠節太和楊公祠步韻

揀選知縣速秉植

君門萬里嘆臣孤危孰與持顛孰扶已擽一身匡
國難遑因數口作私圖火溪血化草猶碧玉嶺神
依柏未枯當日曾經太史筆丹心萬古不模糊

路南州志

五四

又

重重鐵騎逼城孤戮力思將社稷扶歃血潛盟謀
已就械書中阻事難圖身經百戰睢陽壯骨碎片
時柴市枯父老於今談軼事殘碑猶見淚模糊

獅嶺晴嵐

飛來鷺領作獅彎篆出明霞古樹間宿霧不留林
木朗暖暉一派曙光閒朝疑松下長虹度暮似巖
前五色園把酒談心盡日飲青雲繞足紅塵刪

環山雪霽

聞道香山白石蟠四時仍作雪漫漫元非微霰三
冬積何故飛花六月寒盛暑猶遮訪戴笠晴嵐還
憶跨驢鞍高人錯認尋梅地幾度徘徊不自安

鹿阜霞光

舉人王槐

逐鹿當年事已更仙踪無影阜烘晴祥徵五色凝
青甸瑞擁千家起赤城輝映玉山饒野色光凝洛
浦掇雲英懸知勝地鍾良牧佳氣浮雲百里明

龍潭夜月

一碧涵空萬派流寒蟾瀉彩石潭幽誰將海客藏
蛟室併作嫦娥宿月樓寒浸半天雲影淡清沉十
里鑑光浮夜深龍起金波湧喜抱明珠得意遊

獅嶺晴嵐

西來爽氣壓松巔隱隱青獅帶綠眠山色有無凝
暮靄樹陰濃淡駐晴烟片時領略雲園岫一望滄
茫海作田疊嶂青幽看翠滴無人拈破箇中禪

竹山樵唱

伐木行歌絮伴回竹林深處鳥聲催無腔短調翻
新譜信口時歌暢野懷一部蛩音傳谷外幾番天

籟出溪來是非不入樵人耳一路山烟逐步開

和王眉英贈別

舉人韓名伯

赤墀命使廣旁求獨羨君家藻鑑周黔嶺當年騰
彩鳳滇池今日起蒼虬談心莫問廬陵事話舊何
殊貴筑秋茲夕歡逢須盡醉雲山從此動長謳

丁卯中秋月試黔省步兩大總裁韻

佳節分輝皓露披一番清翫許人知懽逢桂萼當
秋夜期會桃花恰艷時酒興頻催經漏永詩懷欲
賦見星移登龍漫異開東閣邂逅黔聞遂夙思

路南州志

五六

題楊升庵祠

舉人徐煒麒

名世芳踪謫遠荒寒烟古渡海茫茫蜀江不返啼
鶻淚楚郡長吟垂柳章清議重輝新祀典忠魂常
繞舊祠堂恨無靖節歸來賦錦字書中怨夕陽

又

帝里朝辭久住南玉堂遺址向誰探尊親大義原
成激事主孤忠自不慚昔犯龍鱗辭北闕今占鷄
骨寄珠龕烟波半世居滇國千載丹心照月潭

答周廣文賞蓮

舉人袁偉

自笑疎頑與世遺惟君教我學時宜池邊濁酒堪
呼月郭外青山好寄詩誰道讀書推半豹方知涉
趣讓濂溪盈眸况是花君子千載風深請復之

又

願作郊原十日遊百錢沽酒掛溪頭千枝荷葉旌
旗卷一鑑鳴蛙鼓吹休花似騷人晴處發詩如迫
我雨中求來年應有鱸堂信且把雲山絢爛收

送刁先生還蜀

痛飲經年續古歡臨岐不及再盤桓他年定訝滇

路南州志

五七

雲薄故國何堪蜀道難問字從來曾載酒寄書此
後願加食烟霞莫向眉山鎖滿目蒼生望謝安

山居即事

老來不敢道行藏日愛吾廬引晝長架上文章皆
古董林間笑語更荒唐幾竿疎竹爭朝靄一段寒
梅惜晚香時過鄰翁數甲子相逢盡是舊衣裳

又

何必名山始善藏一丘一壑便相當閒雲出岫隨
心卷倦鳥停飛那處忙司馬不聞遭漢武陶潛自

謂是羲皇門前五柳安然在勿用行吟效楚狂

贈別張寅揆

舉人繆 琰 昆明人

執經豈意別離輕尊酒臨歧倍感情絳帳春風文
自麗寒汀烟渚墨尤精相思莫謂陽瓜遠寄跡應
知鹿阜平肯憶吾鄉山水好佇看驄馬再南行

鹿阜霞光

貢生李椿齡

當年逐鹿遇仙翁鹿幻仙踪山自崇雲峰紫玉平
鋪案天敞青屏秀插空佳氣鬱葱曾罩靄祥雲閃
燥却驚虹鍾靈元是循良地琴鶴踰躑鎮洛濛

路南州志

五八

魚池雲影

一泓秋水碧于油何物披紛錦作洲出岫無心舒
欲卷臨淵有意去還留陰垂碧淨天疑動影弄澄
鮮日覺浮看罷不忘濠濮興洋洋鰲隊正堪遊

響水風清

舊漾川痕新漲潮虛樓人靜聽初颺聲搖湘珮龍
吟古音觸秦臺鳳引嬌逸韻遙聞天半籟流絃共
送月中韶冷冷一派清心耳欹枕宮商醉夢銷

龍潭夜月

夜深雲散樹林端一派幽光徹底寒水上不緣風
鼓浪鑑空足任月拋丸寒浸月色澄澄碧光溜秋
瀾湛湛團下上空明相映發此身疑作廣寒觀

石碕仙踪

雲樣胎精芝樣研五丁鑿竅鶴飛仙縈紆奧榻愁
無地窈窕仙墀別有天丹竈歷年莓漸蝕碁枰亘
古乳頻懸玉莎瑤草追遺跡緱嶺吹笙何日還

獅嶺晴嵐

欲問西山若個奇靈獅蹲就不知移朝雲暗趁晴

崗染宿霧輕拖春嶂披草色芊芊攢怪石松風謾
謾撥殘碑尋芳上已扶筇地萬壑煙吞酒一卮

環山雪霽

不見彤雲只出花緣何霽色滿空霞層巒石溜飛
瓊圃負郭人遊弄玉家蹇策孟樓香自遠鷓流戴
棹興何賒飄然鶴鬣神仙侶鼎水烹陶漱物華

竹山樵唱

竹林深鎖雨花臺青滴芙蓉面面堆朝送籟聲天
半響晚移清韻嶺頭來如歌郢雪如歌楚半入峰

嵐半入隈莫道行雲能過响一時遙聽幾徘徊

月夜梅影

貢生李純仁

玉署欄干爽氣開孤梅午夜蜀徘徊寒枝未報家
家雪疎影先移步步陔高士酒酣忘露冷美人腸
斷怕香催立殘清照無言語遙映紗窓去復來

夜雨

小齋飲酒綠雲稠夜半雨聲倚枕浮萬戶悶纏炎
瘴裏一雷驚散老農憂陡來滙滴風翻浪密布橫
空瓦襯流為憂西成應有望田夫相慶古汀洲

路南州志

六十

雁字

貢生楊珍

漫道天章不費思排空字樣少人知草書倒挂青
雲裏健筆斜飛秋月時拖去何人能潑墨揮來無
畫不爭奇多緣南國無音信代寫幽情處處宜

盤江春雨

二月濛川水映隄時添新雨助幽思膏盈淺渚春
波溢泉漾汀洲練色齊洗去清烟杼柳岸流來甘
露潤芳枝陽和化澤今初轉滌淨塵襟漫賦詩

鹿阜霞光

貢生金成憲

逐鹿仙翁事已磨巍巍堂下吏人過籠葱瑞色朝
還見晡靄祥陰午正多微暈何曾因而掛輕虹豈
是帶晴拖郡人不識仙猶在紫氣東來擁綠蘿

石碕仙踪

神仙何代煉丹修雲鎖千年洞壑幽路繞莓苔深
可到窟含森邃渺難求牀前冠履於今在案上棋
枰自昔留服氣想應長辟穀石田何事役耕牛

獅嶺晴嵐

靈獅誰縱巴江上高踞城西已萬年骨聳嶙峋雲

籠岫毫鋪林莽樹含烟遙看似黛晴方覺近挹如
藍雨後懸雲淨天空時捲幔西山爽氣正窓前

魚池雲影

一鑑清池映綠苔誰將噓氣入池來雲歸天外全
無跡影落池中久不開捲舒豈為陰晴變聚散空
餘曉暮猜更有奇峰宮樣巧却疑龍女慧心裁

環山雪霽

日麗香山樹影斜翠微深處見瓊華南天莫是春
風少夏日還餘腊雪賒弄玉儘堪誇座客堆銀恰

似為貧家陶公若住巴江上炎暑猶呼學士茶

龍潭夜月

盈虧幾度暮雲邊自落龍池夜夜圓任是月殘曾
不晦從來望後那知弦波心返照搖蒼壁樹底寒
光射碧天莫是驪龍藏水面悠悠千載抱珠眠

竹山樵唱

翠碧重重衆壑寬丁丁樵斧入秋殘行雲响自高
峰落空谷聲來萬竹寒隱隱花宮藏樹裏悠悠仙
梵起林端清幽何似山深處野韻無文和也難

路南州志

六二

響水風清

遙遙何處奏埙篪疑在初晴欲雨時奮發如濤虛
枕聽悠揚似籟暮窓知黃昏却訝吹來早靜夜翻
疑送入遲莫怪村郊頻獻歲南薰風裏問耘耔

凌雲閣

凌雲高閣勢難攀此日登臨暫得閒第覺比天輪
北斗何妨與地教南山有無黛色虛窓裏隱躍泉
聲遠樹間對此詩人清興起國中屬和有誰班

瑞禾

穢穢嘉禾隴上生何緣兩穗一株擎

九重尚憶三農苦十畝爭誇百室盈處處春風迎氣動
年年甘雨應時傾禎祥獨見山州地

帝德天心不可名

又

陰陽淑氣入年光五色容鷄唱短牆書進嘉禾當
日瑞穎呈獲穗應天祥彩雲曾現銅池裏靈草還
生玉殿旁豈似三錢贏斗粟行人千里不齎糧

又

忽聞何處產嘉禾強酌餘樽漫一歌史載兩岐知
最少書陳獲穗未云多星雲自是關昌運草木由
來感太和

聖澤普天皆雨露禎祥獨降此山阿

忠節祠和韻

迷天毒霧逼城孤大義惟堪一死扶智盡誓將消
國忿力窮寧肯為身圖名祠盛事千秋烈火掌餘
悲七尺枯自是精靈終不泯英風黯黯作雲糊

州志特紀先年節婦書以弔之

半世孤燈照影寒湘痕肯共一坏乾柏舟酬得生前志青史留將死後看冰雪從今輝玉簡姓名有路到金鑾芳魂此日應含笑灼灼庭花倚畫欄

古城晚霞

何處明霞掛碧空山川全抹夕陽紅江流秋起桃花浪嶺樹春搖丹葉楓却羨隨烟推畫錦怪來無雨掛輕虹古城莫是函關地紫氣于今向晚濃

長江半月

清江如帶碧沉沉一曲蒼巒送夕陰豈有疎烟鋪

水面惟餘殘月墜波心斜橫柳下驚魚釣隱躍山西照客琴一葉扁舟歸去晚綠衰疑有色相侵

梅花

貢生喻吾道

清泉一曲抱村流傲雪花枝入夜幽姿格舞迴雲裏鶴丰神驚起水中鷗橫鋪疑是桓伊笛直下還同嚴子釣世上塵埃無所繫孤芳自賞復何求

又

飽飯閒居午夢長醒來清味是梅芳他年月戶神相注今日雲窓態倍揚斜插蕭蕭鋪片玉高撐字

字分天章漁船載得輕陰去一派餘香入水涼

已盤春雨

貢生董文英

小榭輕埃竟日迷青青河畔柳枝低桃花半向烟
中落芳草多因雨後齊應有遊魚衝急浪豈無飛
燕得新泥蟄龍此際潛江底直聽春雷到海西

凌雲閣

翠幙紗窓八面開山光雲影共徘徊簷前雨過容
偏秀簾外風微爽欲來着子似從天上落吟詩疑
在月中裁此時塵俗歸何處彷彿瑤天第一臺

路南州志

六五

雁字

貢生陳鵬健

嶧山振羽摹秦碑大篆翻新小不差上下百年群
詫異縱橫萬里獨驚奇行縈春蚓依沙岸影亂秋
蛇倒碧池雲外欲高題塔字長安宴醉杏花時

又

一派靈空炫錦霞裁成雲篆合還分龍拏筆海初
成陣月滿瑤臺別有羣幾度迴翔書欲就數番離
落硯將焚逼人咄咄疇能爾飛翰驚天見大文

又

掃破青天雪未消上林有信寄烟銷一波三折停
雲表方寸千言著漢霄行亂幾疑張旭醉點斜誰
信米顛僑鉄門斷限原無字誰與霜翰變化遙

犀硯

廩生楊夢誥

犀宮暫寓別為天山內有山亦有川疎窗燈光星
月掛淡濃烟影霧雲連飛濤驚夢樵樓近曲澗支
橋仙路懸石隱朝朝居世外恍然身寄葛懷間

贈別張寅揆

一風一雨度西山文旆飄來美茂年鐸振青雲才

路南州志

六六

似賈喙敲白雪畫猶仙詎期榴火催行色且倩柳
烟鎖去關漫道歸鞭雲樹裏金蓮待照玉階前

又

敷濛化雨正霏微青作氈兮絳作帷四座時欽揮
麈訓一囊忽負蠹魚歸瞻雲無計攀轅旆起鳳何
心戀枳棲非是贈君堪折柳願將彩汁染春衣

芝雲硯和韻

芝雲崩裂五丁開峰勢橫撐幾世哉仙境依然留
玉筍鬼工隨意幻蓮臺懸崖乳滴寒非雨深硯精

成石是苔為問巨靈緣底事天生巧構不須催

凌雲閣

生員楊簡誥

近接雲霄遠俗塵遊人踏破霧中天嵐光隱躍獅
峰裏紫氣浮沉玉嶺邊只恐豪吟驚北斗好看明
月過前川幼年欲遂凌雲志到此儼如得意還

賦得滿城風雨近重陽

纔擬登高興欲狂滿城秋色兆重陽好風迎節思
吹帽細雨催花半吐香送酒王弘猶覺早多情陶
令已斟觴浮萸九日知非遠無限詩懷待菊黃

路南州志

六七

小窓對雪

生員張于霄

閒居靜對一窓前何處漫漫下九天羣雁忽驚銀
海結古梅乍見亂花翩寒齋聊謝倚門客兀坐懶
題訪戴箋愧我冬來無勝事漫從小牖晤先賢

雁字

生員徐致和

誰寫長空寄遠思懸書天漢少人知行縈摩詰揮
毫處影亂張顛濡墨時題破衡陽秋信好傳來塞
北錦章奇風斜體勢聯還斷摹就迴文幾句詩

芝雲洞

生員徐致心

曲折層深出化之看來窈窕盡玲瓏參看乳筍排
行立壯麗亭臺隔丈逢四座芝橫思戲彩千堆雲
靄憶探窮遊人眷戀忘歸去知與蓬萊彷彿同

並蒂蓮

生員徐仰聖

為愛朱華駕小舟奇葩並蒂色偏幽波中共把文
章露水面相將錦繡留我謂風流隻陸似人云淨
質二喬羞試看君子知心處照應清時興未休

五言絕句

水月橋

學正李汝相

素月清溪上
遶橋綠影留
臨淵寒色碧
誤認是仙舟

又

淺潭碧似油
一月映汀洲
寶鏡何年掛
鮫龍不敢收

團山瀑布

顏色白於雪
聲音吼似雷
浪痕斫不斷
溜沫劃難

路南州志

六九

開

又

雪花分碎溜
石骨細劃柔
激烈聲悲壯
不知幾代秋

凌雲閣八絕

貢生金成憲

高窓不捲簾
月色如霜白
料得高吟時
詩韻宜清絕

淡白偏宜月
疎狂最可風
平生添逸興
多是此樓中

遠岫千峰小晴川一望平
夜聞天上語不是世中情

漸覺人聲遠應知月色多
繡簾閒不下留待宿婦娥

黃鶴何時去鳳皇今夜來
三山吟白鷺應有謫仙才

高閣迢迢夜溶溶月色嬌
鳳皇應不遠只是待吹簫

題起凌雲字悠然憶少年
到來高閣上平地忽登仙

路南州志

七十

累土層層砌瑤窻面面分
浮雲飛不到窺盡一天文

新月

流寓楊夢雷

薄暮登高望涼蟾一線生
銀河誰是渡撐出玉舟橫

春燕

可憐雙燕燕交飛繞畫樑
只因兒女累空度一春忙

七言絕句

西園

太守裴粹度山西

碧水涓涓荇草香
茆亭結構傍長楊
倦來拋卷閒歌枕
卧看兒童捕小魴

其二

陸地高原不產蓮
淤泥污穢偏清妍
還須苦惱堅心煉
莫把虛名向外傳

其三

此身康健復何求
鹿鹿空勞作馬牛
隨遇而安皆

路南州志

七一

自得人生大塊若浮漚

其四

縱意求安未必安
無心應物自生歡
清風明月皆知己
好把韶華醉裏看

其五

冥心跌作小蒲團
靜對蕭蕭竹幾竿
欲倩丹青傳野趣
他年留作畫圖看

遊芝雲硯

知州馬鳴陽

何物靈通獻石芝
天然崆峒不知時
登臨頓覺塵

心化踏遍芒鞋意若遲

立秋

深樹鳴蟬報蚤秋雨餘簾靜一庭幽閒情還卜開
懷處挈伴登高豁倦眸

又

閒裏逃禪樂有餘蕭齋趺坐意如如新秋更喜添
清興夜雨疎燈照讀書

憶菊

城隅高卧老秋光細雨涼風落葉黃獨坐悠然惟

路南州志

七二

命酒東籬風韻愧柴桑

又

只疑籬落影蕭蕭不見秋容倍寂寥載酒白衣何
處去空餘冷露泣芭蕉

送同年徐蒼野之任

太史許賀來石屏人

初縮銅章拜玉墀國門分手悵歌驪不須驛路愁
梅雨閩海風薰熟荔枝

又

揚帆三伏苦炎蒸客路休辭日飲冰舟中有美顏

如玉風月何須羨廣陵

又

橘熟柑香正九秋雙旌知己到閩州
九龍江上盈盈水應共使君雨澤流

又

南詔邊城面大洋蒼茫海氣濕琴堂
心閒但使階馴鶴佇聽循聲達廟廊

秋蘭

學正李汝相

獨坐欄邊思悄然一莖蘭蕊自清妍
幾經霜雪幽

路南州志

七三

情寄數朵寒花瘦曉煙

聞笛

同人此日意翩翩細與論文俗慮捐
何處飛聲來玉笛梅花幾點韻悠然

客中見海棠

曾從太守昌州住西望昌州不異家
一派幽香吹不散春來冷艷伴烟霞

春雨初霽有感

半簾風雨半簾書睡起悠悠強自舒
宅午雲開塵

不到靜觀春意竟何如

題也可居

州尉王熙載

膝但能容樂在馬幾人騎鶴幾腰纏高歌一曲吾
狂矣雲放山頭月在天

寄題池亭

雲粉層階水織籬俯看萬象物星移乾坤祇此一
亭耳來往艤舟是阿誰

疎影穿窓

生員施純禮

淡淡疎枝點點花夜深伴月透窓紗香魂不耐東

路南州志

七四

風擾偷入雲間處士家

賦得滿城風雨近重陽

滿擬登高酒興狂客心何事轉淒涼西風送雨晚
來急濕透黃花仍帶香

雜異

從來耳目所不數見者君子斥而弗道况敢筆之於書傳之於世乎然考山海經齊諧諸書大概皆志奇志怪夫以理之所無而為事之所有亦足見天地之大固不可以意得而窺測之也但為路甸所無不敢妄錄

附言

去歲得權之先生生囑在京訪吾邑舊誌立賢得信後即遍訪京中各大藏書樓輒無結果史學大家王桐齡與立賢有師弟誼因造謁之所得指示方法甚多且蒙介紹乃向國史館及各書樓進行採訪最末於京師圖書館中查獲喜出望外乃與館中經理交涉借抄多番奔走幸得允許圖書館僻處地安門內去西城約廿餘里立賢因大學內課務拘身未能親自往抄遷延久之始獲雇人進行

路南州志

七六

乃未成而此君又因事離京以致稍稍擱置後再覓人結束未完工作并親赴校對全書字跡不劃一而第四末且多草率殊為缺憾此書於百忙中得觀厥成權之鼎臣諸先生襄助之力居多而嶧山先生方法之指導及地方經濟之助力皆可感也補抄完竣畧附數言使鄉里父老人士知此事之經過焉時在民國十六年正月廿五日序於京法政大學第三院

楊立賢

